

# ТОШКЕНД ГАЛАЗИ

Ўзбекистон болалари ва ўсмирларининг газетаси

Газета 1929 йил 1 августдан чиқа бошлаган

№ 12 (6965-6966)  
1999 йил 23 марта, сешанба

Сотувда эркин  
нархда

## ТИНЧЛИК ДАРАХТИНИ ЎТҚАЗДИК

16 февраль куни Тошкентда бўлган воқеа ҳар бир тинчликсевар юракларни ларзага солди. Огоҳликка, хушёрикка даъват этди.

Биз ўша куни мактабимиз ўқувчилари билан биргалиқда ҳар биримиз юртимизда доимо тинчлик, барқарорлик, осойишталик ҳукм сурмогини, осмонимиз мусафро, дастурхонларимиз файзу-барақага тўлиқ бўлмоғини ният килиб, тинчлик дарахтини ўтқаздик. Онажонларимизнинг севимли байрамлари арафасида эса кекса бувижон ва ойижонларимизнинг ҳолларидан хабар олдик. Кекса бувижонларимиз, илк баҳор даракчиси бўлмиш сўлим бойчечакларни, чуммоларни кўзларига суртганча: «Омонлик-сомонлик, эл кўрмасин ёмонлик», — дея дуо килдилар.

Шу кунларда севимли Ватанимизда Наврӯзи олам тантаналари бошланаб кетган. Мактабимизда адабий драматик кечалар, мушоиралар бўлмоқда. Кечагина менинг синфдошларим, «Биз тинчлик тарафдоримиз» деб номланган мусиқий композицион кеча ўтказиб, кечанинг охирида юртимизнинг тинчлиги, камоли—равнақи учун ўз ҳиссаларини кўшмоққа қасамёд қилдилар. Чунки дунёда тинчлик барқарор бўлмас экан, ҳеч қачон тоғларимиз нурафшон, кунларимиз сурурли бўлмайди. Шунинг учун ҳам, Тинчлик учун курашмоқ ҳар биримизнинг шарафли бурчимиз бўлсин!

**Роҳат АСАДОВА,**  
Навоий вилояти,  
Кизилтепа туманидаги  
«Зарафшон» номли ўтара  
мактабнинг бошланғич  
синф ўқувчиси.



Собит ФАФУРОВ

Хамиша уйғоқ хотира

## НАВРЎЗ ТОПИШМОКЛАРИ

Биттасин ерга сочдим,  
Бир ҳовуч териб олдим.

\*\*\*

Далададир юмуши,  
Товони тўла тиши.

\*\*\*

Кишда ерга кўрпа,  
Ёзда ерга шўрва.

\*\*\*

Новдаларнинг кулоғи,  
Кислороднинг булоғи.

\*\*\*

Ариғи йўқ, оқади,  
Майин юрса — ёқади.

\*\*\*

Гул эмас,  
Боғланган қилиб даста,  
Ерни гулга  
айлантирас бирпасда.

\*\*\*

У тушганда, дала-қир,  
Кулади қиқир-қиқир:

\*\*\*

Эрта баҳор, қирмизиги-  
нам,  
Токқа ёйди қизил ги-  
лам.

\*\*\*

Катта варак, думи тароқ,  
Акасининг исми куроқ.

## ҲАЙЛОЗГА МАКТУБ

Гўзал Намангандига сўлим Чустидаги маскан — Оғасарой қишлоғида жойлашган 28-ўрта мактабни вилоятда яхши билишади. Чунки бу мактаб ҳар қандай тадбирларда, кўрик-танловларда, фестивалу олимпиадаларда доимо олдинги ўринларни қўлдан бермай келади. Буларнинг ҳаммасига менимча, ахил ўқитувчилар жамоаси сабаб.

Мен ҳам шу мактабни тутатганман. Ҳозирда Низомий номидаги Тошкент Давлат Университетининг III курсида таълим олайман. Бу йиллар давомида шу нарсага амин бўлдимки, устозларимиз биз ўқувчиларни ўз фарзандларидек кўриб, таълим-тарбия берган эканлар. Бугун Наврӯз кунлари уларни ўйлар эканман, биринчи бўлиб камтариш ва олийжоноб инсон — математика ўқитувчимиз

Муқаддам  
НАБИЕВА,  
Низомий  
номидаги  
Тошкент Давлат  
Университети  
талабаси.

## РАҶНО ОЛА – ФАҲРИМИЗ

Мактабимиз биноси кичик бўлишига қарамай, жуда файзли даргоҳ. Бу масканда Ватанимизга ҳалол хизмат қилаётган кўплаб инсонлар таълим-тарбия олганлар. Шулардан бири — Ҳамза номидаги Академик театри актисаси Раҷно Ярашева бўладилар. У киши шеърлар ҳам ёзб турад эканлар.

Яқинда Раҷно Ярашева ўз ҳамкаслари Тоҳир Содиқов, Дилбар Икромова, Саида Раметовалар билан мактабимизга ташриф буюрдилар.

Суҳбатдан шу нарса аён бўлди, болалар орасида санъаткор бўлиш истагида юрганлар анчагинани ташкил этар экан. Шу жумладан, мен ҳам келгусида ҳалкимизнинг севимли санъаткори бўлиш орзусидаман.

**Орзу деган зиёда**  
**Бўлар экан дунёда.**  
**Менинг ҳам орзуим бор –**  
**Бўлмоқчиман санъаткор.**

Санъаткорлар билан бўлган учрашувни мактабимиз ўқувчилари доимо эслаб юрадилар. Учрашув баҳона мактабимизда драма тўғараги фаолиятини кучайтиришга қарор қилдик. Бу ниятимизни мактабимиз раҳбарияти қўллаб-кувватласа ажаб эмас.

**Зулайҳо ҚАМБАРОВА,**  
Самарқанд вилояти, Каттакўргон  
туманидаги 34-мактаб ўқувчиси.



## БАҲОР

Тонг дилимни қитиқлаб отди,  
Кел, баҳорим, кириб келавер.  
Ширин ҳисларимни уйғотди,  
Кел, баҳорим, кулиб келавер.

Эркаланиб, шўхликлар қилиб,  
Сени тўйиб кўргим келади.  
Сени сирдош дўстимдек билиб,  
Сенга таъзим қилгим келади...

Ҳабибон НАЗРУЛЛАЕВА,  
Тошкент шаҳридаги Акмал Икромов  
номидаги 102-мактабнинг 6-синф  
ўқувчиси.

## МАМНУНИЯТ

Ассалому алайкум, «Тонг юлдузи» ходимлари! Газетандинг 94-95 сонида босилиб чиқкан обуна ҳакида мақоланғыз бизга жуда ёқди. Аввало, мамнуният билан айтмоқчиманки, «Тонг юлдузи» бизнинг доими ҳамрохимиз. Чунки унда бизни кизиқтирадиган турли мақолалар, топишмоқлар бор. У билан ҳечам зерикмаймиз. Ўтган ўкув йилида синф раҳбаримиз бошчилигига 12 ойга обуна бўлган эдик. Унинг барча сонини интиклик билан кутамиз. Ҳатто тарбиявий соатларда ҳам ундан фойдаланамиз. Бизнинг 7-«А» синф ўкувчилари бу йил ҳам биринчилардан бўлиб обуна

бўлдик. Келгусида ўзимизнинг мақола ва ранг-барагашеъларимиз билан газетамиз сахифаларини тўлдирмокчимиз.

Феруза СОЛИЕВА,  
Андижон вилояти,  
Пахтаобод туманидаги  
18-ўрта мактабнинг  
7-синф ўкувчиси

## ЛАББАЙ, ДЕЯЖАКМАН, ВАТАН – ОНАЖОН!

Ассалому алайкум, азиз «Тонг юлдузи! Тенгдошларимиз илтимосига кўра, сизларга ушбу мактубимни йўллаяпман. Ўша февраль куни содир этилган ноҳуш воқеа бизни жуда ҳам хафа қилди. Юртбошимизга ёмон ниятда қилинган бу

зидентимизни кўрдиму йиглаб юбордим. Улар бизни болаларимиз, — дедилар. Биз ҳам сизни жуда-жуда яхши кўрамиз, Ислом бобо!

Мұхтарам опаларим, сингилларим! Биз — келажак авлодмиз! Ватанимизнинг равнақи

билан, теран фикрлашимиз билан ҳалқимиз ишончини оқлайлик. Юртимизни, юртбошимизни асраб-авайлайлик. Ватан истиқболи учун билимимиз, меҳнатимиз билан «Лаббай!» деб жавоб бера оладиган бўлайлик.

## ҲАМЛАР ТЕГИРЛЮОНӢ



## УСТОЗ ХУДДИ ОНАМИЗДЕК

Синфимиз ўкувчилари устозимиз Дилфузга опани жуда-жуда ҳам қўришади. Ўзлаштиришга қўйналётган болаларни дарсдан кейин олиб қолиб, ўқитишга ҳам вақт топадилар. Аммо, дарснинг ўз вақтида тайёрлаб бормасак, қаттиқ хафа бўладилар. Шунинг учун ҳам биз, ўкувчилар уларни сира хафа қилгимиз келмайди. Ҳамиша «4» ва «5» баҳо олишга ҳаракат қиласиз.

Тунов куни ғалати воқеа содир бўлди. Синфдошимиз Камол, мен ва бошқа яна биринкита болалар табиат фанидан дарсга тайёрланиб келмагандик. Биринчи сафар кечирдилар. Аммо Камол яна уй вазифасини бажармай келиби. Шунда устозимиз Дилфузга опа уни уришдилар.

Эртаси куни Камолнинг онаси мактабга келди. Бир нималарни деб, уларни хафа қилди. Устоз роса йигладилар. Уларга кўшилиб биз, ҳатто ўғил болалар ҳам йиглаб юборай, дедик. Аммо устоз бизга билдириласликка ҳаракат қилдилар.

Биласизми, биз синфимиз билан ўша Камолни бир таъзирини бериб қўймоқчи бўлдик. Аммо тутолмадик. Уйига боргандик, биздан катта синфда ўқийдиган акаси чиқиб қолса бўладими? Камолни ўрнига биз бир-икки тепки «еб» уйимизга қайтдик. Яна онаси келди. Ҳайрият, бу гал биз ўйлагандек бўлмади. Чамамда устоздан кечириб сўрадилар.

Тепки еган бўлсак ҳам биз ўз ишимиздан роса хурсанд бўлдик. Кейинги гал Камол бўлар-бўлмас гапни онасига айтиб, устозни хафа қилмайдиган бўлди.

Биз севган ва ҳурмат қилган устозимизнинг қўзлари ҳамиша кулиб туришини хоҳлаймиз. Шу фурсатдан фойдаланиб, Дилфузга опамни ва барча мактабимиздаги устозларимизни, ва албатта онажониму, ойижонимни гўзал Баҳорой билан чин қалбимдан табриклимиз.

Ёдгор МУСАКОВ,  
Тошкент шаҳридаги  
216-мактабнинг  
3-«Г» синф ўкувчisi.

## АДОЛАТ ИЗЛАЙМИЗ

Яқинда туманимизда хукуқшунослик фанидан «Сиз қонунни биласизми?» мавзуида беллашув бўлиб ўтди. Унда еттита мактаб ўкувчилари иштирок этди. Шу жумладан, бизнинг «Адолат» гуруҳимиз ҳам. Биз беллашуда ютамиз, деб катта ишонч билан тайёрланиб бордик. Лекин минг афсуски, ютолмадик. Очиги, адолат, ҳакиқат ҳакида ўтказилган тадбирдаги адолатсизлик барчанинг руҳини чўқтириб юборди. Бизнинг «Адолат»

гуруҳимиз эса доимо адолат излаб, адолатга шерик, адолатга ошно бўлади. Ахир буюк Амир Темур бобомиз ҳам «Бир кунлик адолат, олтмиш кунлик тоат-ибодатдан афзal», — деб бекорга айтмаганлар. Ҳа, адолатни излаймиз. Шунинг учун ҳам газетамизга ёзишга қарор қилдик.

Гулёра ТЕШАЕВА,  
Фиждувон туманидаги  
29-умумтаълим мактабининг  
10- «А» синф ўкувчisi.

## «АДОЛАТ» ГОЛИБ БЎЛДИ

Сўх тумани ҳалқ таълими ва «Камолот» жамғармаси ташаббуси билан «Сиз қонунни биласизми?» мавзусида мактаб ўкувчилари ўтасида кўрик-танлов бўлиб ўтди. Тадбирда жамоа аъзолари турли саҳна кўриниши орқали ўзларининг фикр доиралари нечоғли кенг эканлигини кўрсатиши.

Айниқса, бизнинг Д. Давронов номли 1-ўрта мактаб «Адолат» жамоаси ўкувчилари илмга чанқоқликлари, зукко ва билимдонликлари-

ни намойиш этиши. Бу тадбирда «Адолат» гуруҳимиз ўкувчилари голиб деб топилди. Фалабани кўлга киритишида яқиндан ёрдам берган устозларимиз А. Фойипов, З. Темиров ва Т. Мажидовларга мактаб маъмурияти томонидан миннатдорчилик билдирилди. Тадбир сўнгига голиб ўкувчиларга эсадлик совғалари топширилди.

Зебо ЮСУПОВА.  
Фарғона вилояти,  
Сўх тумани,  
Ровот қишлоғи.

## МАСЛАҲАТ

Синфимизда ёмон ўкувчилар кўп. Дарс бўлмаса ҳамма суюнади. Ўкувчилар «Ура, ура!» деб стадионга югуришади. Қизлар эса хонада ўйин-кулги қилишади. Лекин бу қизларнинг ичидаги тиришқоқлари ҳам бор. Булар Қосимова, Курбонова ва Боймирзаевалар. Мен бошқа синфдошларимга ҳам ана шу қизлардек тиришқоқ бўлишни маслаҳат берардим.

Олимжон ХУСАНОВ.  
Чортоткент туманидаги  
Мирзо Улуғбек номли  
22-ўрта мактабнинг  
7-«Б» синф ўкувчisi.

## ҲАЛҚ БОЛАСИ

Доим дедим болаларни,  
Тилакдошман тилагига.  
Шеърлар ёзиб меҳрим  
соҷдим,  
Мен уларнинг юрагига.

Мени шоир айлаган  
ҳам,  
Аслида шу болалардир.  
Қалбимга шеър  
жойлаган ҳам,  
Чиндан яхши  
болалардир.

Ҳамма жойда мен  
ўзимни,  
Болаларга тенг  
айладим.  
Ширин этиб  
гап-сўзимни,  
Феъл-атворим  
кенг айладим.

Сингиб кетган  
қон-қонимга,  
Покизалик, бегуборлик.  
Бола пайванд  
жон-жонимга,  
Яшасин хур —  
ҳаёт борлиқ.

Бола келар бу дунёга,  
Ўйнаб-қувнаб —  
яшнаш учун.  
Интилади нур зиёга,  
Ёргуликда яшаш учун.

Мен ҳам шеърим  
тилагида,  
Келажакка боражакман.  
Болаларнинг юрагида  
Бола бўлиб  
қолажакман...

Саодат ТОЖИ,  
Қашқадарё вилояти,  
Қамаши шахри.

## ЮРТБОШИМДАН ХАТ КЕЛДИ

Мен дунёдаги барча азиз ва мұтабар она жонлар пойига гуллар сочғим келади. Оналаримиз күлса олам кулади-да! Бу кулгудан гуллар очилади, диллар равшанлашади.

Эх, оналар бор — күнглимиш чароғон!

1999 йил, Аёллар йили. Бундан барча-барчамиз хурсанд бўлдик. Дунёда энг яқин кишиим, маслаҳаттўйим, шириң суханим — онажоним бўладилар. Мана, бир неча йилдирки, менинг онам ёш авлодга билим бериб келадилар. Мактабда уларни катта-кичик ҳурмат қиласи. У кишига бирам ҳавасим келадики, уларга ўхшасам дейман. Онам ўз ўкувчилиари билан бирга юртбо-

шимизга хат йўллагандилар. Кўп ўтмай жавоб хати олдилар.

Президентимизнинг онамларга билдириган са-мими тилаклари, ўкувчиларга бўлган ишончлари барчамизни янада яхши ўқишга, ишлашга унди-дади.

Мен онажонимни, у киши тимсолида дунёдаги жамики оналарни, сингилларимни кутлуғ айём — Наврӯз куни билан чин дилдан кутлайман. Уларга тўкин-сочин хурсандчилик ва баҳт тилайман. Жамики аёлларимиз баҳтили, ҳотиржам, тахтли бўлишсин.

Шоира МАҚСУДОВА,  
Наманган вилояти,  
Косонсој туманидаги  
20-мактабнинг 7-«А» синф  
ўкувчиси.

## ЯНГЛИШМАЙСИЗ

Ассалому алайкум, «Тонг юлдузи»нинг заҳматкаш ҳодимлари! Мен ушбу севимли газетамни ҳар бир сонини қолдирмай ўқиб бораман. Унда берилаётган тенгдошларим ёзган турли мақолалар ва шеърлар менга жуда ҳам ёқади.

Мен ушбу хатим орқали сизларни баҳор байрами Наврӯз билан табрикламоқчиман. Сизларга келгуси ишларингизда муваффақиятлар тилайман. Севимли газетамизни чиқариша ҳормай-толмай меҳнат ёқидиган барча ҳодимларга сиҳат-саломатлик тиларканман, тенгдошлар, «Тонг юлдузи»га обуна бўлинг, янглишмайсиз, — дейман.

Гуласал МАҚСУДОВА,  
Навоий вилояти,  
Кизилтепа туманидаги  
18-ўрта мактабнинг ўкувчиси

Болалик бу бир лаҳза кўрилган шириң ва ёргутшуга ўхшайди. Бу тушумрбод юраклардаги соғинч осмонини нурлантириб, ёғдуға тўлдириб турди. Зеро, дунёдаги энг гўзал туйгу-бу, Болаликдир.

Ийлар ўтгани сари олисларда қолган ўша соғинчли тушни қайта-қайта кўргинг келаверди. Болалик дунёсининг соғинчидан хаёлларда бўлса-да асло йироқ кетгинг келмайди. Бир сўз билан айтганда, болаликнинг беғубор ва ҳайратларга тўла мунаvvар лаҳзаларини қайта-қайта эслагинг,

хамда унинг шириң ва дилбар хотиралари ичидаги яшинг келади.

Болалигимда баҳор фаслини жуда яхши кўрардим. Ҳаммаёқ гулга бурканган паллалиги учун эмас, балки қишлоқ болалари тўп-тўп бўлиб, мевали дараҳтлар остида ҳар хил ўйинлар ўйнаб, шўхлигимиз билан бутун дунёни бошимизга кўтарганигимиз учун ҳам завқли эди бу фасл... Бозимизга ўрик ва олма гулларининг ўйнаб тушишининг ўзиёқ бизга бир дунё шодлик ҳадя киларди.

Ҳар йил баҳор фаслида қишлоғимизга бир девона чол халтасини кўтариб кириб келарди.

Назаримда биз баҳор фаслини ўша чолнинг келиши учун ҳам кутардик.

Девона чол уйма-уй юриб, бўш халтасини нон билан тўлдирилар, ёзининг жазирама, иссиқ кунларида қишлоқ четидаги қабристонда жон саклар эди. Одамларни табиатан ёқтиргмаган бу инсоннинг биз кундузи ҳам кўришиб ҳадик билан ўтадиган жойда қандай қилиб кечалари қолиб кетишини бир-биримизга гапириб бериб, кўркардик. Лекин девона чол учун бу қабристон ўз уйидем эди. Катталарнинг айтишича, мозор ҳар бир банданинг кўрқинчли жойи эмас, балки охират жойи деб тан олинар экан.

## КУН БИЛАН ТУН ТЕНГДАШИ

Мана, бир олам қувонч, хушкайфият, табиатни яшиллик, боғ-роғларни гулга буркаб Баҳорой кириб келди. Фасллар келинчаги бўлмиш баҳордá жуда кўп байрамлар нишонланади. Шундай улуғ айёллардан бири яратиш, яшнатиш, покланиш рамзи бўлмиш Наврӯзи оламдир. Кишбўйи соғиниб кутганимиз —

Шарқда шу куни янги йил бошланади. Наврӯз кечасида коинот олтин тарозисининг иккى палласида тун билан тонг учрашаркан. Бундан қувонган Наврӯз янада яшариб, кучга тўлиб кетаркан.

Бизнинг қишлоғимизда ҳам Наврӯзи олам кенг нишонланади. Бу кунга барча ҳамқишлоқларимиз зўр



Наврӯз ўлкамизга ташриф буюрди.

Киши қалбида Наврӯздан бир енгиллик, қандайдир энтикиш сезилади. Чунки Наврӯз инсонлар дилига шодлик, яхшилик уруғини сочади. Яна Наврӯзни байрамларнинг онаси дейиш мумкин. Негаки,

тайёргарлик кўришайти. Худо насиб қилса, Наврӯзи оламни катта хурсандчилик билан ўтказамиш.

Лазизбек МУЗАФФАРОВ,  
Бухоро вилояти,  
Фиждувон туманидаги  
4-мактабнинг 6-«А» синф  
ўкувчиси.

## БОЙЧЕЧАК

Бериб баҳордан дарак,  
Ниширибди бойчечак.  
Баҳор нашъасин сезиб,  
Гурс-гурс уради юрак.  
Хайр, қиши илхомчиси,  
Яхмалагу, конъкилар!  
Салом, баҳор элчиси,  
Салом, азиз бойчечак!

## БАҲОР

### КЕЛСА...

Баҳор келса — алвон  
бўлиб очилар гуллар,  
Баҳор келса — яйраб-яйраб  
сайрап булбуллар.  
Баҳор келса — бойчечаклар қирга тўлади,  
Баҳор келса — лайлаклар  
ҳам учиб келади.  
Баҳор келса — шаббодалар майин  
эсади,  
Баҳор келса — орзуладар  
ҳам куртак ёзади.  
Баҳор келса — мовий осмон  
нурга тўлади,  
Баҳор келса — диллар жўшиб,  
хушнуд бўлади.  
Наргизахон  
ТОЖИБОЕВА,  
Наманган вилояти,  
Чорток туманидани  
115-интернат-  
мактабнинг 7-синф  
ўкувчиси.



## Болаликка сафар

### СОФИНЧНИНГ ОСМОНИ

У девона чол бизнинг энг яқин одамимизга айланган эди. Шунинг учун ҳам биз чолни бутун хатти-харакатлари билан кузатардик. У кўнглига яқин хонадонларга кирав, ёқмаган хонадонлар унинг учун бегона эди. Биз болалар девона чолни соков эмасмикан?, деб ўйлаб юардик. Йўқ, бувимларнинг айтишларича, у соков эмас, факат гапирмас экан. Қишлоғимиздаги Майсара кампирни ўзининг қадрдони деб билар, факат у билангина сұхбат курганигина бир-икки эшитганимиз, холос. Кун бўйи қишлоқ кезган девона чолнинг меҳрага тўймаган кўзлари билан гаплашар эдик, холос.

Девона чол уйма-уй юриб, бўш халтасини нон билан тўлдирилар, ёзининг жазирама, иссиқ кунларида қишлоқ четидаги қабристонда жон саклар эди. Одамларни табиатан ёқтиргмаган бу инсоннинг биз кундузи ҳам кўришиб ҳадик билан ўтадиган жойда қандай қилиб кечалари қолиб кетишини бир-биримизга гапириб бериб, кўркардик. Лекин девона чол учун бу қабристон ўз уйидем эди. Катталарнинг айтишича, мозор ҳар бир банданинг кўрқинчли жойи эмас, балки охират жойи деб тан олинар экан.

ларга қандайдир бир илиқлик, меҳр билан бокди-да, «раҳмат» маъносида бош силкиди. Лекин барибир ўз халтасига ўхшатмади чоги, халтамиши олмади. Шу топда бизнинг болалик онларимиз сехрли бир эртакка ўхшаб, қандайдир бир мўъжизани кутарди. Кўзларида ёш, қалби бу қишлоқ болаларидан қолгандек, бош эгиб шу холатда қишлоқдан чиқиб кетди. Шу кетганича, бошқа қайтиб келмади.

Биз болалар эса баҳор келишини интизорлик билан кутамиш. Тўғрироғи, девона чолнинг келишини кутамиш. Ағсусли, у бошқа қайтиб келмади. Бу кичик воқеа менинг болалик хотираларим ичидан катта ўрин эгаллаган. Балки девона чолнинг кўзларида менинг мен ўқий олмаган дардлар илдизи, меҳр ёғдуси бизни тинч кўймас. Нима бўлгандা ҳам, болалигимдаги ўша сирли, ағсунларга тўла лаҳзаларга қайтгим келади.

Санобар МЕХМОНОВА.

# БАЙРАМЛАРТА УЛАНГАН БАЙРАМ

Юрт тинч, осойишта бўлсагина, байрамлар байрамдек нишонланади.

Пойтахтимизнинг Ҳамза туманида жойлашган «Ўрта мачит» маҳалласида ҳам баҳор байрами баҳонаси, бир пиёла чой устида давра сұхбати бўлиб ўтди. Сұхбатга кекса онахонлар, маҳалла фаоллари, врачлар ҳамда ўқитувчилар ташриф буюришиди.

Даврани «Ўрта мачит» маҳалла оқсоқоли Усмон ота Солиев бошлаб бердилар. Улар барча онахонларни Аёллар йили, гўзл баҳор байрами билан табриклар эканлар, юртимизда ҳамиша тинчлик хотиржамлик бўлишини, шу юрга ҳалол хизмат киладиган ўғил-қизларни тарбиялашда оналарнинг

роли катта эканлигини алоҳида уқтириб ўтдилар.

Шу маҳаллада жойлашган 43-шифохона шифокорлари номидан Замира Юсупова сўзга чикиб, жумладан шундай дедилар:

Аёл кишининг бахти аввало унинг соғлигига, ана шу соғликини ҳамиша қадрига етинг.

Шундан сўнг 84 ёшли Сафия ая ҳам маҳалла қошида кутубхона, турли тўғраклар ташкил қилиш лозимлигини уқтиридилар. Болаларимиз кўчада вакъларни бекор ўтказмасдан, ана шу тўғракларга жалб қилиш кераклигини айтдилар.

Шу маҳалланинг хотин-қизлар қўмитаси раиси Мавлуда Ҳайитметова ҳам уларнинг фикрига қўшилган ҳолда маҳалла қошида тиквичлик, кулинария машгулотларини олиб боришни

мўлжаллаётганликларини айтиб ўтдилар. Зоро, маҳаллада уй бекалари кўпчиликни ташкил этади. Айримлари бичиш-тикишдан умуман хабарлари йўқ. Бу машғулотга болалардан тортиб ана шундай уй бекаларини ҳам жалб қилиш лозимлиги келишиб олинди.

212-мактабнинг русий-забон ўкувчилари томонидан қўйилган ўзбек тилидаги саҳна кўринишлари, ажойиб ракслар даврага янада файз киритди.

Маҳалла қўмитаси томонидан барча йигилган аёлларга баҳор совғалари тақдим этилди.

Шу куни болажонлар ҳам сумалак ялаб ялакўшикларга рақсга тушиб би-ир яйрадилар.

Феруза ОДИЛОВА.



Рақс ўрганиш учун ҳам ирода керак, Ирода!..

## ҚИЗИҚАРЛИ ТААССУРОТ

Яқинда бизнинг Фиждувон шаҳримизда она тили ва адабиёти бўйича 5-, 10-, 11-синф ўкувчилари билан шоирларнинг қизикарли учрашувлар бўлиб ўтди.

Учрашувда мазкур мактабнинг собиқ ўкувчиси — «Шарқ ўлдузи» журналининг ходими Бақо Саидов ҳамда шоир Ихтиёр Ризолар қатнашиди. Улар йигилгандарга ота-она меҳри, Ватан ҳақидаги шеърларидан ўқиб беришиди. Учрашувда Бақо Саидов ўкувчилик давларини ва устозларини ёдга олди. Кейин ўзлари ўқиган синфларни бориб кўрдилар. «Қани энди ўша вактда ўқитган устозларим бўлишса, уларнинг оёкларида бош эгиб таъзим қиласдим», дедилар.

— Устозларингизни ҳурмат қилинг, улар бебаҳодирлар, — дедилар ҳаяжонланиб Ихтиёр ака ҳам.

Мехмонларимиз ўкувчилар томонидан берилган турли саволларга жавоб бериб, ҳозиржавобликлари билан ўкувчиларда катта таассурот қолдирди.

Гулчирой ҚАҲХОРОВА,  
Бухоро вилояти, Фиждувон туманидаги  
1-мактабнинг 7-«Д» синф ўкувчиси.

## АДАБИЁТ ҲАФТАЛИГИ

Мактабимизда фан ҳафталикларини ўтказиш одат тусига кириб қолган. Яқинда адабиёт ҳафталиги бўлиб ўтди. Она Ватан мавзусидаги иншолар кўрик-танлови, «Ўйла, изла, топ!» деб номланган топқирлар мусобақаси, анъанавий навоийхонлик, бобурхонлик, «Имом ал-Бухорий — буюк муҳаддис» мавзусидаги эрталик, Аёллар йилига бағишинланган «Ҳайрат маликалари» учрашув-кечалари ўкувчилар учун

унутилмас воқеа бўлди. Ушбу тадбирларни ўтказишида она тили ва адабиёти фани ўқитувчилари Муборак Дўстова, Хурсаной Норова каби устозларимиз бош-қош бўлдилар. Айниқса, 9-«Б» синфида ўтказилган очик дарслар ноанъанавийлиги билан ўқитувчилар ва ўкувчиларни олқишиларига сазовор бўлди.

Гулноза ШУКРУЛЛАЕВА,  
Фиждувон туманидаги 45-  
мактабнинг 7-«В» синф ўкувчиси.

## МЕҲРИБОН УСТОЗ

Мактабимизда меҳрибон ўқитувчилар кўп. Шулардан бири Орифа опа Қаюмова бўладилар. У киши, ёш бўлишларига қарамай, барчанинг меҳрини қозонгандар.

Орифа опа бизга табиат фанидан дарс берадилар. Улар бизларни табиатни севишга, уни асрашга ўргатадилар.

Синфимизда «Табиатни асранг» мавзусида қизикарли кеча бўлиб ўтди. Бу кечани тайёрлашда Орифа опанинг ҳиссалари катта бўлди.

Устозимиз бизни севадилар, биз ҳам меҳрибон Орифа опани ҳурмат қиласдим. Шунинг учун ҳам айтганлари айтган, деганлари деган уларнинг!

Феруз ЭГАМБЕРДИЕВ,  
Бухоро вилояти,  
Бухоро туманидаги  
С. Айний номли 18-мактабнинг  
5-«А» синф ўкувчиси.

## НАМУНАЛИ МАШҒУЛОТ

зарова ва бошқалар қатнашдилар. Биз бу дарсда байрон-байрон жавоб бериб, устозимизнинг бизга берган билимларини на мойиш этдик.

Очиқ дарсда грамматик ва топқирлик машқлари, мулокот усулидаги топширикларни бемалол бажариб, устозимиз юзини ёруғ килдик. Дарсимиши кузатган 40 дан ортиқ ўқитувчилар

очиқ дарсни намунали деб топишиди. Дарс якунидаги Назира опамиз ва биз, ўкувчилар шаънига айтилган мақтov сўзлардан ўзимиз ҳам яйраб кетдик.

Дилшод ЖУМАБОЕВ,  
Лола ЎСАРОВА,  
Сирдарё вилояти,  
Сирдарё тумани Бобур  
номидаги  
12-мактабнинг 6-«А» синф  
 ўкувчилари.

## КИМ ЧАҚҚОН?

Мактабимизда яқинда темир-терсаклар йигиши бўйича синфларро мусобақа бўлди. Ҳар бир синфга 500 килограммдан темир-терсак йигиши белгилаб берилди. Темир-терсак йигиши учун ҳамма синфларга бир ҳафта мухлат берилди. Лекин бизнинг синфимиз ўкувчилари бу топширикни бир ҳафтага етказмай ортиғи билан бажарди. Бизга бунда синфимиз раҳбари Шахлохон Азимова яқин

дан ёрдам бердилар. Ҳафта сўнггида ўтказилган йигилишида бизнинг синфимиз биринчи ўринни эгаллаганлиги эълон килинди. Синфимизга фахрий ёрлик ва ўкувчиларга эсадлик совғалири берилди. «Меҳнат — инсонни улуғлайди», деганлари шу бўлса керак!

Намангандар вилояти,  
Янгикўрғон туманидаги  
50-ўрта мактабнинг  
5-синф ўкувчилари

Бу Ватанда бир Ватан  
Құрмөңи истайдыр күнгил.  
Үзни озод қүш каби,  
Күрмөңи истайдыр күнгил.  
Бу Ватан тимсоли бўлса,  
Тонг қўёши ўгульавор,  
Шуълалар қўйнича чарх -  
Урмөңи истайдыр күнгил.

Ҳа, Ўзбекистоннинг мустақ-  
қиллигини орзу қилиб, Ватан баҳти,  
Ватан саодати, ҳурлик ва истиқдол  
истаб, душманларга қарши кура-  
шиб, вахшийлик ва ундан-да азоб-  
ларнинг қурбони бўлган аждодлари-  
миз тақдиди бугунги кунда биз учун  
сабоқdir.

Юқоридаги шеърда баён этил-  
ган шоирнинг "буюк истаги" бу -  
аждодларимиз истагидир. Бу истак  
амалда Қуёш бўлиб ҷарақлади ва  
она диёrimiz Ўзбекистонга баҳт-  
саодат қуши етиб келди.

**Бу ёруғ оламда Ватан  
биттадир,  
Биттадир дунёда Она  
дегани ном.  
(А.ОРИПОВ)**

Ватан нима ўзи? Ватан дегани  
нимадан бошланади?

Дунёда шундай бир буюк сўз  
борки, у инсон юрагидаги илоҳий  
нур каби доим ёлқинланиб туради,  
нур тараф танга қувват, рухга роҳат,  
одам ҳаётига бир умр фароғат ба-  
ғишлайди. Бу лазиз ва азиз "Ватан"  
сўзидир, у мўътабар "Она" сўзи би-  
лан ёнма-ён туғилади. Дунёда она  
битта, Ватан битта бўлади, бу тушун-  
ча ҳеч қачон ўзгармайди, ҳеч қачон  
эскирмайди. Нон доим тансиқ бўла-  
нидек, бу сўзлар ҳар қанча айтилса  
ҳам ҳеч қачон қиммати пасаймайди,  
иккиси ҳам ягона, дилга жо бўлган  
қайтариш мас дурдонаки, Ватани энг  
суюкли зот таърифи билан ифода  
етиб "Она Ватан" деймиз.

### Ватан - инсон туғилган муқаддас замин

Ватан тушунчаси ва унга бўлган  
муҳаббат она сути, она бағри, она  
мехр-муҳаббати, она алласи билан  
бола юрагига жо-бажо бўлади.

Ватан дегани она алласидан  
бошланади. Ватан туйғуси киндиқ  
қонинг тўқилган жойдан бошланиб,  
она сийнасида буюк Ватанинг жа-  
молини қурасан. Ватан - она замин  
тепасидаги тинч мовий осмонидан  
тортиб, юлдузлари, Ой ва Қуёши,  
булути шамоллари билан гўзал Ватан-  
дир. Бу сўзда саҳий замин, кенг дала-  
лар, сокин ўрмонлар, тошдан-тошга  
урилиб тушаёттан зилол сой сувлари  
тамоён, сен туғилган жой, униб-ўстган  
уй, кўча жамулжам. Ватан дегани  
йининг остонасидан бошланади.

Унда сенинг мактабинг, биринчи  
ўқитувчинг, қишлоғинг, дўстларинг  
ифодаланган. Каşф этилган бир ас-  
боб, шоир яраттан бир яхши шеър,  
барпо бўлган бօғ, асалари берган бир  
томчи бол, жар бўйида ўзи ўсиб чиқ-  
кан ниҳол ҳам Ватандир.

**Ватан дегани - бу,  
Она тили.  
Ватан дегани - бу миллат!  
Ватан дегани - Она тупроқ!  
Ватан дегани - силбанд  
ва қариндош инсонлар!**

**Ватан дегани - она Ергаги  
заррадан кўм-кўк осмонгача!**  
Ўзбекистон - ҳар бир ўзбек  
учун гўзал, севимли ва ардоқли  
Ватандир. Ўзбеклар ўз диёрини қанча-  
лик гўзал ва жаннатмакон Ватан деб

# ВАТАН



билганлари ҳолда ўзгаларнинг Ва-  
танинни ҳеч бир камситмайдилар,  
ҳар ким Ватанини ўзи учун "ойдан-  
да гўзал, кундан-да гўзал" (Чўлпон)  
деб билади. Ўзбекистон - дунё хари-  
тасида бўстон бир диёр. Шарқдан,  
Тинч уммонидан қўтарилган тонг  
қўёши Ўзбекистон осмонида ҷарақ-  
лаб порлайди. У бу ерда азиз меҳ-  
мондек чехрасидан мўл-кўл нур со-  
чиб, бутун ўлқани яйратиб-яшната-  
ди. Бу шундай бир ўлқаки, машҳур  
ёзувчи ва шоир Ойбек "Ўзбекистон"  
шеърида мана бундай таъриф этади:

**Бир ўлқаки, тупроғига  
олтин гуллайди,  
Бир ўлқаки, қишиларида  
шивирлар баҳор.  
Бир ўлқаки, сал кўрмаса қўёш  
соғинар...  
Бир ўлқаки, тайратидан  
асаби чақнار,  
Баҳт тошини чақиб, бундай  
куч гувиллайди.**

Ватан инсон юрагидадир. Президентимиз И.А.Каримов айттанидек: "Ўзбекистон - муқаддас Ватан. Отабобомиз ёттан ер. Ўзимиз ётадиган ер. Фарзандларимизни шу заминга садоқат руҳида тарбиялаш, уларнинг қалбларида шу муборақ заминнинг ҳар қаричига меҳру-муҳаббат уйғо-  
тиш - бутунги куннинг энг устувор фазилатларидан бирига айланади".

Ватан нима демак? Бу ўзининг тарихий ҳаракатининг мазкур майдонда камолга етказадиган бус-бу-  
тун ҳалқидир. Бу - ҳалқнинг ўтмиши, бутуни ва келажагидир. Бу - унинг ранг-баранг маданияти, тили, ха-  
рактери, бу - у томондан амалга оширилган инқилобий мақсад, тарихий ўзгаришлар ва унинг тарихи-  
даги муҳим босқичлардир.

Дарҳақиқат, Ватанга муҳаббат - шу тупроқнинг муқаддас сарҳадларини ҳимоя қилмоқ, унда яшовчи ҳалқнинг тилини, эътиқодини, урфодатини севмоқдир ва тарихини билмоқдир.

### "Тарих ҳаёт муаллимиидир"

Одам пайдо бўлибдики, тўғри-  
роғи, инсон Она сайёрада қабила-  
қабила бўлиб яшай бошлабдики,  
энг катта баҳтга сазовор бўлиши,  
эртага бугунидан фаровонроқ

яшашни, янада гулгунроқ, янада гўзлароқ ҳаёт кечиришни орзу қилиб келади. Узоқ мозийдан бу-  
гунги кунгача Она Ватанимиз ўз бошидан не-не аччиқ тақдирларни кечирмади. Тўмарис аёл бўлса ҳам мард бир сўзли, ор-номусли, ниҳоятда шиддаткор, ўз ҳалқи ва Ватанини ҳар қандай тизгиниз туйғу-  
ларга, мансаб-шуҳратларга алмаш-  
майдиган доно ҳукмдор, мардона саркарда эди. У суюкли ўғлидан жудо бўлганда ҳам она-Ватанга меҳру-муҳаббатини дилига тугиб, душман билан адолатли жанг қила-  
ди ва ғалаба қозонади.

Ватанинни жондан севган Широқнинг ўз жонидан кечиб, душманни ҳалокатга учратиши жуда буюк қаҳрамонлиқdir.

Миллий қаҳрамонимиз Спитамен ўз она ҳалқини, она Ватанини жон-дилидан севарди. Унинг оташин сўзлари фикримизни нечоғли ҳақиқатта айлантиради. "Мен... ўз насл-насабимни севаман. Аммо Сўғдиёнани - сизнинг ва менинг оталаримиз Ватанини, бир тилда сўзлашадиган, бир хил қўшиқларни куйладиган ва бир хил кийим ки-  
ядиган одамлар ватанини ундан ҳам кўпроқ севаман. Шунинг учун ким Сўғдиёнани озод қилиш учун курашаёттан бўлса, шулар тарафида-  
ман".

Ҳоки кулга, рӯхи нурга айлан-  
ган Муқаннанинг Она Ватан, ҳалқнинг озодлиги учун араб босқинчи-  
ларига қарши кескин жанглар олиб борганидан фахру шуурга тўламиш.

Мўғилларга қарши курашиб, Ватанинни ҳимоя қилган Темур Малик ва унинг сафдошлари катта қаҳрамонлик кўрсатди. Ҳудди шунингдек, Жалолиддин Мангуберди мўғулларга қарши курашда юксак жасорат кўрсатди. Бу саркарда юртни ташлаб қочиши, чекиниш, душманга ён беришни Она Ватан ва ҳалқа хиёнат деб ҳисоблайди. У шоҳ ўғли бўлса ҳам ўз жонини, роҳат-фароғатини ўйламайди, бутун фикри-зикри Она Ватанинни ҳимоя қилиш, ҳалқни душман асо-  
ратидан асрар бўлиб, ётганда ҳам, юрганда ҳам шу мақсад билан ўртанди.

Амир Темур она-Ватан осмонида ҳурлик қўёши бўлиб балқди.

Ватан мўғул истиочиларидан озод этилди. Улкан давлат тузилди. Ватанинни муқаддас билган Амир Темур от устидан тушмай, қўлидан қилини қўймай, босқинчи душмандан Ватанинни холос этиб, Моварауннарх ҳалқига эрк ва омонлик бағишлади. Буюк саркарда қайси ҳалқнинг фарзанди ва бу ҳалқ нақадар улуғлигини ҳақли равишда фахру-шуур билан ўзи таъриф этади:

**Биз ким, мулки Турон,**

**Амири Туркестониз.**

**Биз ким, миллатларнинг**

**Энг қадими ва энг улуғи**

**Туркниш бош бўғинимиз.**

Ҳаёт ғилдраги тинимсиз ҳаракат қилиб, ўз йўлида давом этади. Бу Ватан нақадар талон-тарож бўлди, босқинчи муттаҳамлар оғири остида хоки - тупроққа айланди.

Чор Россия Туркестонни босиб олиб, босқинчиларнинг ҳунрезхликлари, золимона тартиблари, бойликларимизни талон-тарож қилганлигидан уларга қарши қўзғалон кўтарган Мадали Эшон, Номоз Ботир каби фидой фарзандларини ҳалқимиз ҳеч қачон унутмайди, уларнинг пок руҳларини доим эъзозлайди.

1917 йилги инқилоб барча миллатлар онгидаги соҳта эркинлик ва озодлик умидларини уйғотди. Аслида, бутун Ўзбекистон, бутун Ўрта Осиё Россиянинг хом ашё базасига, пешона тери тўкиб, роҳат-фароғат нималигини билмайдиган ҳаробага, оғир мустамлакага айланди. Она Ватан озодлиги учун кураш давом этади. Ҳамза, Элбек, Абдулла Авлоний, Беҳбудий, Усмон Носир, Абдулла Қодирий, Чўлпон ва бошқа ўнлаб ватанпарвар, маърифатпарвар ва ҳалқнинг севимли фарзандларининг озодлик учун кураши бизлар учун сабоқ ва ибратdir.

Ватан-аждодларимизнинг жасоратини хотирлаш ва ўрганишдан бошланади. 1991 йил 1 сентябрь муқаддас кун. Янги давр, янги тузум, янги одамлар замони ҳудди шу Муқаддас кундан бошланади. Энди Ўзбекистон буюк давлат бўлиб, дунёга қуёшдек ёруғ юз билан ҷарақлади.

Ватан - инсоннинг олтин бешиги. Ҳур, озод Ватанда туғилиб, бешиги шу замин устида тебранаётган, шу замин осмонидан нафас олаётган

**Озод элнинг ўғлиман,**

**Обод элнинг ўғлиман,**

дёя дунёга жар солаётган эй, мустақиллик фарзанди сен "Бобо Қуёш"га, Эй Она Ватан осмонида ҷарақлаган Ўзбекистон Қуёши, Ер юзини айланганда ўзбекларнинг шарқий толлар этагидан бошланиб, гарбга чўзилиб кетган гўзал диёри-борлигини айтишини унгутмайди!

"Жаннатмакон Ер қаерда?" деб сўрасалар, Ўзбекистонни кўрсат!

Ўзбекистон - озод диёр, обод ўлка, офтоб юрти деб айт!

Ўзбекистон мөхмандўстликда саҳоватли душманга қаттиқ, адоватли, ҳақиқатда энг адолатли Ватан деб айт!

Ватан дегани - сен билан мен туғилган муқаддас замин, Она Юрт, Она Ватан, мустақил ҳур ўлкага бўлган меҳру-муҳаббатдан бошланади.

**Мурод РАҲМОНОВ,**  
**Навоий вилояти, Ҳатирчи туманинага 74-мактабнинг география фани ўқитувчиси.**

# ТАДБИРКОР БҮЛШИШ УЧУН...

Тадбиркорлик - бир кишининг иши эмас. Агар сиз ўз ташаббусингизни амалга оширмоқчи бўлсангиз ҳам уни ҳаётга татбиқ этиш учун одамлар керак. Унинг устига, катта йўлга ҳеч вақт ёлғиз чиқмайдилар. Демак, бизнесда, тадбиркорлика ютуққа эришмоқчи бўлсангиз, атрофингида одам тўпланд.

Ўз фаолиятингизни амалга ошириш учун аввало энг қулай усулни, йўл-йўрикни топишингиз керак. Тушунмадингизми? Мана, изоҳлаб берамиз. Шаҳарда ҳаракатланиш учун энг қулай восита, бу - автомашинадир. Узоқроқ масофага бормоқчи бўлсангиз, самолётни танлаганингиз маъқул. Космосга эга ракетада учиш керак, самолётда етиб борол-маслигингиз ҳам мумкин. Тадбиркорлика ҳам кўзланган мақсадга мос ҳаракат шаклини танлаш зарур. Яни, катта йўлда кўзлаган мақсадингизга мос Тадбиркорлик шаклини танлаш зарур.

Ҳаётда сиз ҳаммадан кўра кўпроқ ўз туғишганларингизни кўрасиз, улар билан муомалада бўласиз. Энг мухими, улардан ҳар бирининг ютуқ ва камчиликларини биласиз. Шунинг учун сизга энг қулай фаолият - хусусий тадбиркорликларидир.

Бунинг учун энг аввало хусусий тадбиркорлик фаолиятингиздан

кўзланган мақсадни - нима иш қилмоқчи эканингизни аниқлаб олгач, бу хусусий корхонангизни амалдаги тартиб-қоидалар асосида турар жойингиздаги маҳаллий ҳокимиятдан давлат рўйхатидан ўтказишингиз шарт.

Шундан сўнг корхонангиз учун зарур жиҳозлар, хом ашё ва машина-асбобларни сотиб оласиз. Махсус ишлаб чиқариш жойингиз бўлмаса, бирор бино ёки ерни, ёки тайёр жиҳозланган корхонани ижарага оласиз. Агар бошлаётган фаолиятингиз катта ва жiddийлигига кўзингиз етса, қўшимча ишчилар, ходимларни ҳам ишга олишингиз мумкин.

Буларнинг ҳаммаси - яхши. Бироқ шу нарсани унутмангки, хусусий корхонанинг раҳбари корхонанинг барча фаолияти ва ҳамма мол-мулки учун тўлиқ жавобгардир. Худо сақласину, агар бир кори ҳол бўлиб қолса ва сиз боши берк кўчага кириб қолсангиз ёки синсангиз борми, сиз суд олдида жавоб беришингизга, мол-мулкингиз эса мусодара килинишига тўғри келади.

Тўғри, ўйчи ўйига етгунича - таваккалчи ўйига етибди, деган гап бор. Таваккал қилмаган одам - пепси-кола ичолмайди. Агар ишингиз юришиб кетса, сиз - хусусий корхонанинг хўжайини ҳамма фойданинг

эгаси ўзингиз бўласиз.

Бир ишни йўлга кўйгач, унинг ёнига яна бошқа бирор фаолиятни ҳам қўшгингиз келса-чи? Масалан, сиз хусусий корхонангизда фақат тикувчилик билан шуғулланардингиз, дейлик. Энди сиз тикиш учун кетадиган матони ўз корхонангизда тўқитишни ҳам режалаштирдингиз. Тўқиш учун эса сизга ип ва тўкув машиналари керак. Энди сиз ип йигириувчилар билан ҳамкорлик қилишингизга тўғри келади. Тўқиш сирларини биладиган яхши мутахассислар билан ҳам бамаслаҳат ишлаш керак бўлади. Энди сизнинг хусусий корхонангиз ҳамкорлар корхонасига, яни қўшма корхонага айланади. Энди бу қўшма корхонадан келадиган фойда 3 га бўлинади: яни тикувчилар, тўкувчилар ва ип етказиб берувчилар. Фақат шарти шуки, қўшма корхона тузишда ким қанча маблағ қўшса, фойда ҳам ана шунга мутаносиб равишда тақсимланади.

Маблағ қўшиш ҳам турлича бўлиши мумкин. Бири тўкув, тикув дастгоҳларини, бошқа ҳамкорингиз бино ва ип-калаваларни қўшади. Сиз тикиш ва тўқиш ишларини осонлаштирадиган, арzonлаштирадиган гоя ёки ишлаб чиқариш технологиясини



таклиф қилиш билан ҳам ўз улушингизни қўшишингиз мумкин. Ҳа, яхши укув, фоя ва илгор технология ҳозирги замон ишлаб чиқаришида ҳалқилувчи воситалардан бири - муҳим бойлик саналади.

Ҳамкорлик корхоналарида даромад ҳамкорлар орасида тақсимлангани каби, масъулият ҳам ҳаммага баробар юклатилади. Бундай корхонанинг гуллаб-яшнаши ёки синиб банкротга учрашида томонлар тенг ҳақдор ёки жавобгардир.

Ҳамкорлик (қўшма) корхонаси хиссадорлик жамиятидан фарқи борлигини унутманг. Ҳиссадорлик (акционерлик) жамияти ҳақида эса кейинроқ маълумот берамиз.

## НЕГА НУРЛАР РАНГ-БАРАНГ?

Томчидан (таралаётган) қайтаётган нурлар жуда катта бурчак ҳосил қиласди. Бу таралишнинг энг фаоли камалакка мос бурчак остидагисидир. Кўзга кўринувчи нурлар турли тўлқин узунликлардаги томчидан турлича синади, масалан, кўк ранг қизил рангга нисбатан қаттироқ синади. Чиқаётган нур тўпламининг тезлиги жуда юқори бўлади ва бу тезлик ёғду (нурлар) тўлқинининг узунлигига боғлик бўлади. Шунинг учун камалак кўринган бурчак остида ранглар ёрқин бўлиш билан бирга бир-бирларидан фарқланиб ҳам турадилар.

Аниқ аксланиш конуси (тасвир)

Сув (ёмғир) томчиси

## КАМАЛАК - КЎЗИМИЗДАН ҚАНЧА ОЛИСДА ПАЙДО БЎЛАДИ?

Кузатувчи билан камалак орасидаги масофа ҳеч нимани ҳал этмайди. Фақат томчига тушаётган күёш нури билан кузатувчи нигоҳининг чизиги орасида ҳосил бўлган бурчакнинг аҳамияти бор. Шу сабабли камалакни бир неча метр оралиқ масофада ҳам кўриш мумкин.

## НЕГА КАМАЛАК ЙИШАКЛИДА БЎЛАДИ?

Бу саволга жавоб бериш учун нурдаги томчига тушадиган бирор хил (масалан, сариқ) рангнинг ҳаракатини кузатайлик. Бу рангли нурдан бир қанчаси томчига тушади ва унда синади ҳамда акс этади. Аксланиш

## ОСМОНДАГИ ЁЙ-КАМАЛАК

**Ёмғирдан сўнг ҳавода пайдо бўладиган камалакни оддий нур синиши ва сув томчисида қуёш нурининг акс этиши деб биламиз. Бу-ку чиндан ҳам шундай. Сув томчиси сиртига тушувчи нур бурчагининг кенглиги шу қадар каттаки, томчидан тараладиган нурлар ҳам турлича катталикда бўладигандек.**



да бу нур томчидан бир қанча йўналишда таралади. Томчидан аксланиб таралаётган нур томчига тушаётган йўналиши чизиги билан 42 градусли бурчак ҳосил қилганида у нисбатан аниқ кўринади. 42 градусли ёрғин акс этган нурлар томчи тепаси билан ёғду конусини ҳосил қиласди.

Тепаси (баландлиги) нақд бизнинг рўпарамизда

бўлган конуснинг нурлари атрофимизга - ҳар ёққа таралади, аммо харгиз бизга тушмайди. Агар конуснинг нурлари бизга тушса, демакки унинг тепаси кўзимиз рўпарасидан 42 градусга оғган бўлади.

Бўшлиқда эса нигоҳимиз тўғри чизиги билан 42 градусли бурчак ҳосил қилувчи жойда жойлашган томчилар жуда кўп. Барча бундай том-

чилар кўз ўнгимизда конуснинг тепасида ётган бўлади.

Одам Ернинг устида тургани сабабли унги Ернинг у ёғи (нариги қисми)даги бирорта ҳам томчи кўринмайди. Шу сабабли биз айланана камалакнинг эмас, айлананинг ярми ёй камалакни кўра оламиз. Мабодо, омоннинг қайсирид қисмida ёмғир томчилари бўлмаса, у ҳолда биз тўлиқ ёй кама-

лакни эмас, унинг айрим кисмларинигина кўрамиз.

## НЕГА КАМАЛАК РАНГДОР?

Сув томчисида, худди призмадагига ўхшаб, сурнинг парчаланиши ҳодисаси юз беради. Парчаланган ҳар бир ранг ўзининг ёрқин ёғду конусига эга.

Бу конус: сариқ ранг учун - 42 градус; қизил ранг 42,37 градусда марказлашади; ҳаво ранг - 40,6 градусда ва б.

Юқоридаги ҳолатлар камалакнинг рангдор бўлишини таъминлайди.

## ИККИЛАМЧИ КАМАЛАК ҚАНДАЙ ПАЙДО БЎЛАДИ?

Биз тез-тез бир эмас, 2 та камалакни учратамиз. Биллинги, ичкаридаги - ёрқинроқ камалак бирламчи (асл!) камалак, ташқаридаги - хирароги эса иккиламчи камалакдир. Яни, ташқаридаги камалак 1-камалакнинг аксирид. Иккиламчи камалак сув томчининг ичидаги ҳосил бўлган ёғду нурларидаги пайдо бўлади. Эътибор берганимисиз: иккиламчи камалакдаги ранглар бирламчи камалакдаги ранглар жойлашувининг акси!

## КАЧОНГИ КАМАЛАК КАТТАРОҚ?

Куёш уфқдаги 42 градусдан тор (паст) бўлган вақтларда ҳавода камалак кўринади. Шу сабабли кундузги соат 5 да соат 4 дагига нисбатан камалак баландроқда пайдо бўлади, чунки бу вақтда қуёш уфқа анча яқинлашган бўлади.

## ИҚТІСОДИЁТДАН САБОҚЛАР

Яңғы үқуға шарттан башланған  
“Иқтисодиётдан сабоқлар” сиртқи мактаби конкурси  
дәвом этмоқда.

Конкурс “Еши иқтисоди” илова газетаси ва конкурс лойиҳаси муаллифлари, фан номзодлари Эрғашов САРИҚОВ ва Баҳодир ҲАЙДАРОВлар билан ҳамкорликда үгоштырылмокда.

Конкурс бутун үқуға шарттан башланған олиб борилади. Газетамизнинг ҳар бир сонида конкурс топшириқлари ва топшириқларни бажарышынгиз учун зарур бўладиган назарий материаллар берилб борилади. Сиз ўз навбатидан топшириқ варақаларини тўлдириб, таҳририятга юборишингиз лозим. Агар газетамизга обуна бўлмаган бўлсангиз, ҳозирча мактаб кутубхонасидан газетани топиб, қўлда ёки ксерокса кўчириб олиб, топшириқ варақасини тўлдириб, бизга ўйлашибизгиз мумкин. Оралиқ якунлар ҳар ойда эълон ўтказилади.

26 - ДАРС

### НИМАЛАР МУЛК БЎЛА ОЛАДИ?

Ер юзидағи ҳамма нарса мулк бўлиши мумкин. Қуидага мулкнинг асосий турлари устида тўхталашибиз.

Энг мухим мулк бу ҳамма учун азиз бўлган ер ва экин майдонларицир. Ер майдонлари, бир томонидан бино ва иншоотларни қуриш учун зарур бўлса, иккинчи томондан инсон учун зарур бўлган озука маҳсулотларини етиштириш учун кераксиз. Мамлакатимизда ер давлат мулки ҳисобланади.


Табиий бойликларга - қуруқлик ва сувдаги ўсимликлар ва ҳайвонлар дунёси, ер ости ва усти фойдали қазилмалари, сув ва ҳаво ҳавзалари киради. Табиий бойликлар ҳам мулк саналади ва уларнинг эгаси одатда давлат ёки бутун мамлакат аҳолиси ҳисобланади.

Инсон қўли билан яратилган барча нарсалар: уй-жой, бино ва иншоотлар, завод ва фабрикалар, асбоб-ускуналар, машина ва агрегатлар, ҳом ашё ва материаллар, энергия манбаалари ва истеъмол товарларининг ҳамма-ҳаммаси мулк ҳисобланади.

Бу нарсаларнинг эгаси оила, жамоа ва алоҳида олинган шахс, давлат ташкилотлари бўлиши мумкин.

Пул маблағлари, қимматбаҳо тошлар ва металлар ҳам мулк саналади. Масалан, бир киши шахсий дўконини сотди. Демак, унинг мулки ҳисобланмиш дўкони, пул кўринишидаги мулкка айланади. Агар бу одам энди шу пулга тилла тангалар сотиб олса, унинг пул шаклидаги мулки, тилла тангалар кўринишидаги мулкка айланади бўлади.

Маънавий озука, интеллектуал ва маълумот манбалари ҳам мулк ҳисобланади. Бу нарсалар одамнинг ақлий меҳнати маҳсул бўлиб, битта ном интеллектуал мулк, деб номланади. Бундай мулк турига фандаги ихтиро ва қашфиётлар, агадиёт ва санъат асарлари, янги технология ва лойиҳалар ва турли хил мазмундаги маълумот манбалари киради.



Шунингдек, одамнинг ишчи кучи, яъни жисмоний меҳнат қилишга лаёқати ва имконияти ҳам мулк саналиб, у фақат шу одамнинг шахсий мулки ҳисобланади. Одамнинг ишчи кучига унинг ўзидан бошқа одамнинг эгалик қилиши бутун дунёда таъкидланган.

қилиб борилади. 3-4 та газетада берилган топшириқларни тўплаб, 1 та хатжилдода юборишингиз ҳам мумкин.

Танловда қатнашадиган ўқувчилар газетамизнинг сентябрдан арелгача бўлган сонларида бериладиган ҳамма топшириқларга жавоб ўйлашибиз зарур. Акс ҳолда, тўплайдиган умумий балли оз бўлиб қолиши мумкин.

Конкурс ташкилотчилари ва ҳомийлар томонидан қуидаги мукофотлар тасвиста этмоқда:

1-уринни эгаллаган ўқувчига -

телефизор;

2-уринни эгаллаган ўқувчига -

стерео магнитафон;

фоал қатнашган 10 та ўқувчига -

аудио-плеер

Конкурснинг якуний босқичи Тошкент шаҳрида 1999 йилнинг апрель ойидаги ўтказилади.

**МАКТУБЛАРИНГИЗНИ  
ҚУИДАГИ  
МАНЗИЛГА  
ЮБОРИШИНГИЗ  
МУМКИН:**

**700029. Тошкент  
шахри,  
Мустакиллик майдони,  
2-йи, 402-хона.  
(Музажфар ПИРМАТОВга)**

26 - ТОПШИРИҚ

### НИМАЛАР МУЛК БЎЛА ОЛАДИ?

1. Ишчи кучининг мулк бўлишини асосланг.

Жавоб:

---



---

2. Интеллектуал мулкларни сананг.

Жавоб:

---



---

3. Қуидагиларнинг тўғри ёки нотўғрилигини аниқлаб, тўғри бўлса, - “✓”, нотўғри бўлса, - “?” белгиларини қўйинг.

1. Завод чиқиндиси мулк эмас.

2. Fўзапоя мулк эмас.

3. Автомобиль қисмлари мулк.


4. Юлдузлар мулк.

5. Қор мулк.

6. Булат мулк.

7. Ер ости бойликлари мулк эмас.

4. Расмда қандай мулклар тасвирланган?



Жавоб:

---



---

5. Қуидаги саволларга берилган иккى жавобдан кераксизини ўчириб, ўз муносабатнингизни билдиринг.

1. Инсон қўли билан яратилган ҳамма нарса ҳам мулк бўладими?

Ҳа  Йўқ

2. Одамнинг ишчи кучига унинг ўзидан бошқа одамнинг эгалик қилиши мумкинми?

Ҳа  Йўқ

3. Пул маблағлари мулк ҳисобланадими?

Ҳа  Йўқ

4. Ҳамма жойда ҳам ер давлат мулки ҳисобланадими?

Ҳа  Йўқ

5. Мамлакатимизда ҳамма табиий бойликлар давлатга тегишлими?

Ҳа  Йўқ

6. Тўғрисини топинг.

Табиий бойликлар

1. Фақат давлатга

2. Мамлакатнинг барча аҳолисига.

3. Ҳам давлатга, ҳам мамлакат аҳолисига

4. Шу бойликлар қайта ишловчи корхонага

5. Алоҳида олинган шахсларга

тегишли бўлади.

7. Мулк бўла олмайдиган нарсаларга мисол келтиринг ва уларни нима сабабдан мулк бўла олмаслик сабабларини тушунтиринг.

N	Нарсанинг номи	Мулк бўла олмаслик сабаби
1.		
2.		
3.		
4.		

Исм-шарифингиз

Манзилингиз, мактабингиз ва синфингиз

## МЕНИНГ ЧИН ДҮСТИМ



Дүстликдан бошимиз мудом жаҳондир,  
Дүстликни құдрати элга посбондир.  
Бутун фазилаттар ишида танқо,  
Дүстлик фазилати дүнега хосдир.

Халқымиз: "Дүстсиз бошим, түzsиз ошим" деб бежиз айтмаган. Мен бу дүнёни дүстсиз тасаввур этолмайман. Ҳар бир инсон ёруғ дүнёда үзига дүст қидиради. Дүстлик азалдан улуғланиб келади. Менимча, дүнёда ҳамманинг чин дүсти бор. Менинг ҳам чин дүстим бор. Унинг исми - Маҳлиё Нуруллаева.

Маҳлиё ақлли, альочи, пок дил, сахий, чиройли. У барча фанлардан ағыло баҳоларга үқийди, айниқса, она тили ва адабиётдан. Маҳлиё ҳаммага меҳрибон. У ваъдасига вафо қиласи. Мен Маҳлиё билан опа-сингилдек бўлиб қолганман. Хуллас, дүстимни таърифлашга тилим оқиз.

Мен Маҳлиёга қаратса шундай дейман:

Мехр томчисидек тоза қалбингга,  
Фам-алам ҳеч қачон соя солмасин.  
Табассум ўйнасин гунча лабингда,  
Даврон сур дилингда армон қолмасин.

Эътибор ИКРОМОВА,  
Фиждувон туманинаги 4-урта мактабнинг  
7-синф ўқувчиси.

## ОНАДЕК МЕҲРИБОН МУАЛЛИМ

Мактабимизда севимли устозлар жуда кўп. Бўрнова Шоҳиста опа шу муаллимлардан бири. Улар бизнинг синф раҳбаримиз. У киши бизларга она тили ва адабиётдан дарс берадилар. Ватан ҳақида, шоирларнинг ижоди ҳақида, табиат ҳақида ва ўтмиши миз ҳақида асарлардан, шеърлардан парчалар ўқиб берадилар. Шоҳиста опанинг дарслари жуда қизиқ ўтади. Биз ўтган мавзулар бўйича саволжавоб ўйинини ўйнаймиз. Шоҳиста опа бизни ўз

фарзандлари каби қўрадилар. У киши бизнинг меҳримизни қозонгандар. У киши бизни севадилар, биз ҳам Шоҳиста опани қадрлаймиз. Доим хушчакчак юринг, меҳрибон муаллим.

Меҳрибоним - устозим,  
Сизни севар эл доим.  
Сиз билан ҳаёт кўркам,  
Юрингиз шодон, хуррам.

Шахноза ШАРИПОВА,  
Бухоро вилояти,  
Фиждувон туманинаги  
49-мактабнинг  
6-“А” синф ўқувчиси.

## РАҲМАТ, УСТОЗ

Халқымизда "Устоз отандан улуғ" деган нақл бор. Мени бизнинг адабиёт сари етаклаётган она тили ва адабиёт ўқитувчимиз Мунаввар опа Мамажонова ва синф раҳбаримиз Худойбердиева Соттихон аяни Аёллар йили ва баҳор байрамлари билан чин юракдан табриклиман. Мен бу ўқитувчиларимнинг умрлари узоқ бўлишини тилайман.

Устозим, юзга киринг,  
Дунё тургунча туринг  
Сизлар доимо менинг,  
Юрак қўримда юринг.

Ҳакимахон НУРМАТОВА,  
Фарғона вилояти,  
Олтиарқ туманинаги  
6-умумтаълим  
мактабининг  
6-“Б” синф ўқувчиси.



## ҚЎША ЧИНОРЛАР

Биз оиласда 4 фарзандмиз. Тўрттала-  
миз ҳам Фаттоҳ Умаров номли 276-  
мактабнинг ўқувчиларимиз. Мен 8-“А”



синфда ўқийман, укам 6-синфда, синг-  
лим 3-синфда, укам эса 6 ёш, лекин  
шунга қарамай 1-синфда ўқияпти. У  
ҳам газетангизни яхши кўради. Мак-  
табдан келсан ҳар куни "Тонг юлдузи"  
қани? - дейди. Биз уни ҳар бир сонини  
орзиқиб кутамиз. Агар жаҳлингиз чиқ-  
маса, сизлардан бир илтимосим бор!  
Онажонимизга йўллаган табригимизни

газетангиз орқали онажонимизга ҳадя  
қилсангиз.

Биз учун жондан азиз бўлган муҳтарама  
онажонимиз! Биз сизни туғилган кунингиз  
ва баҳор байрамлари билан чин қалдан  
табриклиман! Сиз ҳам, адажонимизга  
ҳам узоқ умр, сиҳат-саломатлик тилай-  
миз. Юзингиздан кулги, лабингиздан та-  
бассум аримасин, бизларнинг баҳтимизга  
ҳамиша соғ-саломат, тетик-бақувват  
бўлиб, қўша-қариб, 100 га кириб юринг  
оижон, адажон.

Ота-она икки сўз,  
Бири қошу, бири кўз.  
Бир-биридан қимматли,  
Мехридарё, ҳимматли,  
Улар ўзин ўйламас,  
Фарзанди соғ бўлса бас.  
Гоҳ ишқилиб турса ҳам,  
Гоҳи йиғлаб кулса ҳам,  
Ҳаммасига чидарлар.  
Улар қўша чинорлар.

Маъсуда МИРЗАЕВА,  
Тошкент шаҳридаги 276-мактабнинг  
8-“А” синф ўқувчиси.


## МЕҲРИБОН УСТОЗ

Мактабимизда меҳрибон устозлар жуда кўп. Улардан бири Маҳсума Есҳаджаева ўзларининг яхши фазилатлари, мустаҳкам билимлари билан бизга ўрнак бўлиб келмоқдалар. Улар бизга "Одам анатомияси"дан билим бермоқдалар.

Улар биз - 9-“Б” синф қизлари билан ҳамфир, ҳамсухбатдиғлар. Уларнинг дарсларини жуда яхши кўрамиз. Улар бизни 11-синфгача ўқитишларини истаймиз.

Маҳсума опамизни бу йил Аёллар йили билан табриклиман. Улар доим шундай чиройли, оққўнгил, меҳрибон, оқила аёл бўлиб юришларини тилаймиз.

Муҳаббатхон  
САЙДАЛИЕВА,  
Тошкент туманинаги  
12-урта мактабнинг  
9-“Б” синф ўқувчиси.



## МЕНГА ИБРАТ УСТОЗИМ!

Синфдошларимиз бир-бири билан аҳил. Айниқса, ўғил болаларимиз бу йил Аёллар йили бўлгандилиги учун, қизларни хурмат қилиб қолишган.

Мен фанлар ичида айниқса, она тили ва адабиётга жуда қизиқаман. Синф раҳбаримиз ҳамда шу фандан дарс берадиган ўқитувчимиз Гавҳар опа Йўлдошевага каттадан-катта раҳматлар айтамиз. Бизга Гавҳар опамизнинг меҳрибонлиги, мулоимлилиги, муомалалари жуда ёқади. Чунки ўз фанини чукур ўргатганлиги учун яқинда бўлган олимпиадаларда II-уринни олдим. Мен келажакда Гавҳар опа сингари она тили ва адабиёт ўқитувчиси бўлмоқиман.

Гавҳар опа Йўлдошевага синфдошларим номидан соғ-омонлик, узоқ умр тилайман. Наврӯз байрами билан кутлайман.

Шарифа ШОЙИМОВА,  
Самарқанд вилояти,  
Тайлоқ туманинаги  
27-мактабнинг  
10-“А” синф ўқувчиси.

Фарғонанинг ижодкор ўқитувчи ва ўқувчилари - саҳифамиз меҳмони

## ЎЗБЕКИСТОН - ДИЁРИМ

Ўзбекистон - юртим бор,  
Гўзал, кўркам дие́рdir.  
Доим унга Оллоҳ ёр,  
Мустақил, гул дие́рdir.  
Нурли Ватан, хур Ватан,  
Ўсаётган дие́рим.  
У - дунёда дур Ватан,  
Тинч-тотувлик шиори.  
Илҳор ҲАЛИЛОВ, Бешарик  
туманидаги С. Валиев номли  
12-мактабнинг 4-“А” синф  
ўқувчиси.



Ассалому алайкум “Тонг юлдузи” ижодкорлари.  
Мен учун энг севимли рўзномага айланган “Тонг юлдузи”ни ҳар гал, ҳар сонини ўқиб бораман. Айниқса,  
Энда ёритилаётган тенгдошларимнинг шеърий машқ-  
ларидан берилаётган намуналарни катта қизиқиш ва  
мароқ билан ўқийман, чунки ўзим ҳам шеърлар ёзиб  
турман-да. Шу ёзган шеърларимдан бирини сизлар-  
га юборяпман. Албатта, шеърим билан танишиб чиқа-  
сизлар, деган умидда муҳлисингиз Севара.

## ВАТАН

Ватан сўзи сўзлар ичра дурдона,  
Ватан ўзи қуёш каби ягона.  
Ватан меҳрин ичдим мен қона-қона,  
Ватан - азиз бир муқаддас кошона.

Шу тупроқ улғайтирди мени ҳам,  
Ватанимга меҳрим ошиди тобора.  
Ватаним, деб ёниб яшайман ҳар дам,  
Ватан - азиз бир муқаддас кошона.

Юрагимда Ватанимга муҳаббат,  
Жўш уради унга бўлган садоқат.  
Шул садоқат ила қиласин хизмат,  
Ватан - азиз бир муқаддас кошона.

Кучогингда яйраб ўсаман ҳар он,  
Ғам тушмасин бу бошинга ҳеч қачон.  
Сенда камол топар ҳар қиз, ҳар ўлон,  
Ватан - азиз бир муқаддас кошона.

Севара ЭГАМОВА,

Фарғона вилояти, Бешарик туманидаги  
7-ўрта мактабнинг 7-“А” синф ўқувчиси.

## БАҲОР ИЛХОМЛАРИ

## ҲАЁТНИНГ КЎП ГАШТЛАРИ

Зафар Исомиддинов 1958 йилда Кўқон шаҳрида туғилган. 1981 йилда  
Кўқон давлат педагогика институтининг ўзбек тили ва адабиёти факультетини  
тамомлаган. Ўқувчилик йилларидан болаларбоп шеърлар машқ қиласи-  
ди. Шеърлари вақтли матбуотда, тўпламларда нашр қилинган, ҳозир  
Кўқондаги 2-ўрта мактабда ўқитувчи бўлиб ишламоқда.

## БАҲОР ЭРТАГИ

Паст-баланд шовқин солган  
Шамолга гузар экан.  
Бунга кўнишиб қолган  
Майса бўй чўзар экан.



Ёмғир шамолни жамлаб,  
Йўлкани хўллар экан.  
Ўзи томонга имлаб,  
Үриклар гуллар экан.

## ЁШ ФУТБОЛЧИ

Ҳаволаб тўп узатсан,  
Ҳайрон боқма, қушгинам.  
Ўйин пайти кузатсан,  
Дарвозабон бўшгина.



Ишқибозлар кўпгина,  
Сакраб-сакраб жўшгин?  
Тепсан, учуб, тўпгина,  
Дарвозага тушгин, а?

## ДАРАК ГАП

Билдиармиши даракни  
Бош оғриди кучаниб.  
Кел, учираи варракни  
Амалларман “3”чани.

Вақт қолмай ёд олмоқни,  
Қизиқ тўп ўйини.  
“2” бўлди салмоқли,  
Кўринг эни-бўйини.

## УКАЖОНИМ

Чинничанга атиргул,  
Қошиқчанг ҳам каштали.  
Укажоним, баҳтли бўл,  
Ҳаётнинг кўп гаштлари.

Атрофдаги одамлар,  
Билки яқин қардошинг.  
Яхши-ёмон дамларда  
Панд бермасин бардошинг.

## ОТАЖОНИМ

Отажоним бизлар учун яшагувчи дунёда,  
Бизлар учун бу дунёни кеза олар пиёда.  
Бизнинг ҳар истагимиз отам қиласи зиёда,  
Отажоним дунёда меҳрибондир бизларга.  
Отажоним бизлар учун фидо қиласи жонини,  
Бежо бўлса, ичар отам душманларнинг қонини.  
Бизлар учун жон куйдирса, тиклар дўстин шонини,  
Отажоним шунчалик меҳрибондир бизларга.  
Мен отамни ардоқлаб, суйиб яшайман,  
Қувончларин қалбимда туйиб яшайман.  
Отам каби фарзанд учун куйиб яшайман,  
Шунинг учун отажоним меҳрибондир бизларга.

Орзухон ПАРПИЕВА,

Олтиариқ тумани, Файзиобод қишлоғидаги  
32-ўрта мактабнинг 8-синф ўқувчиси.

## АЁЛ

Сиз борсизки олам мунаввар, аёл  
Сиз борсизки олам гулистан, аёл  
Биламан, меҳнатдан толмайсиз аёл.

Чарчаши билмайсиз, тинмайсиз, аёл!  
Сабрли, тоқатли, матонатлисиз,  
Софинасиз, кутасиз, гоҳи ийглайсиз.

Барига чидайсиз, чидайсиз аёл  
Барчасини ўйлаб, сурман ҳаёл  
Нечун қадрламай, мен сизни Аёл.

## ОНА

Оналар поигига гул-чечак сочинг.  
Биз учун дунёда она - ягона!  
Биз учун дардкаш ҳам, сирдош ҳам, она  
Қалбаги сирингиз онага очинг.

Жаҳонда онадек мўътабар инсон.  
Қаерда бор экан, қани бир айтгин.  
Ўн саккиз минг олам кезинг ҳеч қачон -  
Онадек буюк зот, топилмас имон.

Раъноҳон ФАНИЕВА,  
Охунбоев туманидаги  
8-ўрта мактабнинг  
9-“Б” синф ўқувчиси.

## МУШУК БИЛАН ОЛАПАР

Кўзларин чақчайтириб,  
Томда мушук турарди.  
Уни қўрқитмоқ учун,  
Олапарим хуарди.

Иккисин феъли қизиқ,  
Кўролмаслар бир-бирин.  
Бугун ушбу жумбоқни,  
Билмоқ бўлдим, мен сирин.

Қадим ўтган замонда  
Улар аҳил яшаркан.  
Ҳаттоқи, бир суяқни -  
Иккови гажишаркан.

Олапар бўлиб содда,  
Мушук-чи, айёр экан.  
Олапарнинг топганин  
Еярга тайёр экан.

Сўнгги пайтда Олапар  
Бўлиб қолди нокасроқ  
Ҳатто гўштисиз суяқни -  
Мушукка бермас гумроҳ.


Кечагина Олапар  
Узун суяқ келтирди.  
Буни қўрган мушуквой  
Суяқ томон юргуди.

Шунда кенг ҳовлимизда  
Шовқин-сурон бошланди.  
Итнинг кўзи чақчайиб,  
Мушуквойга ташланди.

Жанг чогида Олапар,  
Устун келди мушукдан.  
Мушук бунга чидолмай,  
Қочиб қолди эшикдан.

Бир суяқ-чун икки дўст.  
Қилмадилар муроса,  
Улар чин дўст эмас деб,  
Мен чиқардим, хуласа.

Дамира СУЛТОНОВА,  
Бағдод туманидаги  
6-умумтаълим мактабининг  
9-синф ўқувчиси.



## ТАОМ ЕЙШ ОДОБИ ҲАҚИДА



Маълумки, одамзод таом емасдан ва сув ичмасдан яшолмайди... Ҳайвонлар ҳам еб-ичиш билан тирик. Ҳайвон ейиш учун яшайди, одам эса яшаш учун ейди. Бу иккى хил ейишнинг фарқи одобда билинади. Яни, одамзод таом ейиш одоби ва қоидаларини саклайди, аммо ҳайвонлар бундан бехабардирлар. Агар таом ейиш қоидалари нечта, деб сўрасалар, ўттиз еттига, деб айтгил. Тўрттаси фарз ва тўрттаси суннат, тўрттаси мустаҳал ва ўнтаси адаб ва тўртта ҳурмат ва тўртта ҳикмат ва еттитаси эҳтиёт қоидалари.

**ТЎРТ ФАРЗ:** аввал ҳалол лукманни кўлга киритиш, ризқ берувчи Аллоҳни таниш, пок таомни ейиш.

**ТЎРТ СУННАТ:** аввал "бисмиллахир раҳмонир раҳим" дейиш, таомдан олдин кўлни ювиш, таомни ўнг кўл билан ейиш, таомдан фориг бўлгач, худога ҳамду сано айтиш.

**ТЎРТ МУСТАҲАЛ:** овқат ейишни аввал туздан бошлаб, туз билан тугатиш, овқатни дастурхон ёзиб ейиш, дастурхон атрофида ўтирган ходимни овқатга таклиф этиш.

**ЎН АДАБ:** аввал чап оёқ билан ўтириш, ўзининг олдидан ейиш, бошқаларнинг овқат ейишига қарамаслик, товоқ (ёки коса)нинг бир четидан ейиш, овқатни учта бармоқ билан ейиш, панжаларни ялаб туриш, товоқ

(коса)ни тозалаб қўйиш, лукма қўлдан тушиб кетса олиш ва булғанган бўлса, тозалаб сўнгра ейиш, таом ейиш вақтида суянмаслик, таомдан сўнг кўлни ювиш.

**ТЎРТ ҲУРМАТ:** таом ейиш пайтида бошни қашимаслик, бурунни артмаслик, оғизнинг сувини оқизмаслик, оғизга овқат олиб бирор билан гаплашмаслик.

**ТЎРТ ҲИКМАТ:** лукманни катта олмаслик, овқатни яхшилаб чайнаш, кўп нарса емаслик, тўқ қоринга яна овқат емаслик.

**ЕТТИ ЭҲТИЁТ:** ҳеч бир таомни ёмон таъриф қилмаслик, агарчи яхши пишмаган бўлса-да, овқат қаердан келтирилгани ва кимники эканини билиб олмагунча емаслик. Ёлғиз овқатланмаслик, ўтирганларнинг ҳаммасини овқатга чорлаш, мақтаниш, манманлик юзасидан овоза тарқатиш учун берилган овқатни емаслик, ўғрилар, киссавурлар, харидорлар ҳақига хиёнат қилувчи дўкондорлар, каззоб даллоллар, порахўрлар дастурхонидан нон емаслик, таъзия ошидан парҳез қилиш (чунки унда вояга етмаган етимнинг ёки фойиб бирор меросхўрнинг ҳақи бўлиши мумкин), битта таомни ейиш билан қаноатланниш.

Хусайн Воиз  
Кошифийнинг  
"Футувватномаи  
Султоний" асаридан  
фойдаланилди.

Баҳор ойларида асосан данакли - шафтоли, ўрик, гилос, олхўри кўчатлари ва олманинг совуқка чидамсизроқ навлари экиласди. Субтропик ўсимликлардан анор, анжир, хурмо (пўртахўл) каби иссиқсевар мевали дараҳтлар ҳам шу кунларда экиласди.

Олма, ўрик, нок кўчатларини оралиги 8x8 метрли схемада экиш керак, чунки бу дараҳтларнинг ҳар бири келгусида 64 квадрат метр очиқ майдонни эгаллади. Шунинг учун ердан унумли фойдаланиш мақсадида ҳар 2 олам кўчати орасига 1 тадан барвақт ҳосилга кирадиган шафтолининг эрта, ўрта ва кечпишар навларидан экиш мумкин. Бу шафтолилар 10 йилда қариб ҳосилдан қолади, ўшанда уларни кесиб ташланади.

Кўчат экиласидан майдонни майда тошлар,

## Бизнинг бодга

## КўЧАТ ЭКИШ

шиша синикларидан тозалаш зарур. Кўчат экишдан олдин яхшилаб текширилади, унинг синик, куриган, эзилган ва ортиқча ўсиб кетган илдизлари ток қайчи билан аста-секин кесиб ташланади.

Кўчатни чукурга экишдан олдин чеълакни чиринди, тупроқ ва сув солиб, "атала" тайёрланади. Бу "атала"га кўчат илдизларини ботириб олиш керак. Кўчат илдизлари чукурчага эркин жойлашиши зарур, бўғзи эса ер сатҳидан 4-5 см баландроқ бўлсин. Кўчат ўтказиб бўлингач, ундан 30-40 см қочириб, бир қарич чукурликда ариқ олиниди ва шу куннинг ўзида кўчат сугорилади. Албатта, ҳар бир кўчат тагига 2 чеълакдан сув куйилади. Сув кўчат атрофидаги тупроқ қатламига бир текисда силжиб, илдиз жойлашган қатламни нам билан таъминлаши керак.

МЕВАЛИ  
ДАРАҲТЛАРНИ  
БУТАШ

Маълумки, совуқча унча чидамли бўлмаган дараҳтлар - гилос, ўрик, шафтоли, олманинг Симеренко нави кабиларни февралнинг охиридан бошлаб, март ойида кесиб-буташ керак бўлади.

Мевали дараҳтларнинг шоҳ-шаббалари ўткир ва тоза асбоблар (қайчи, арача ва б.) билан кесилади. Олиб ташланадиган шоҳ ва новдаларни чала кесиш ярамайди. Акс ҳолда шу жойда ковак ҳосил бўлади. Йўғон шоҳни кесаётганда дастлаб уни остики томонидан, кейин эса устки томонидан арралаш керак. Ана ўшанда дараҳт пўстлоғи зарарланмайди. Кесилган жойи диаметри 3 сантиметрдан катта бўлган дараҳт шоҳларига боғ замаскаси ёки бўёқ (ҳеч йўқсан) суваб кўйилади.

**М.СОБИРОВ.**



## Маслаҳатхона

## АГАР ПОЙАФЗАЛИНГИЗ...



● Амиркон (локланган) туфлингиз хира тортмасин десангиз, уни тез-тез чангини артиб, вазелин, глецирин ёки янги сутнинг бири билан артиб туринг. Вақти-вақти билан тухум оқини суртиш ҳам амиркон пойафзалини янгидек кўрсатади.

● Бундай оёқ кийимларини кўндалангига киркилган ярим бош пиёз билан, сўнг курук латта билан артиш керак.

● Ағдарма (замщ) пойафзалини (агар у нам бўлса) аввал яхшилаб қуритиб, сўнг лой, чангдан тозалаш керак. Тукини тикилаш учун уни майдада жилвир қофоз ёки резина чўтка билан ишқалаш зарур.

● Матодан тикилган оёқ кийимини обдон куритиб, сўнг чўтка ёрдамида тозалаб, доғларини бензинга хўлланган латтада артиб кеткизилади.

## Ошхона

## ЖИМЖИМАДОР ПЕЧЕНЬЕ

шакар, озроқ ванилин солиб, ҳамир қорасиз. Тайёр ҳамирни музлатгичга қўйиб, совутиб оласиз. Шундан сўнг уни гўшт қиймалагичдан чиқарасиз. Тахтакачга таром-таром бўлиб тушган ҳамир тасмаларни керакли узунликда қирқасиз. Бу тасмачаларга тўртбурчак, доира ёки саккиз рақами (8) шаклини беришингиз мумкин. Листларга терилган печен-

ньелар ўртача оловда қизиб турган газ духовкасида 15 дақиқа чамаси пиширилади. Пишган печенъелар устига қанд упаси сепилиб, дастурхонгá тортилади.


Бир килограмм печенье пишириш учун уч ярим стакан эланган ун, бир стакан шакар, 300 гр. сарёғ ёки маргарин, 2 дона тухум зарур. Қанд упаси ва ванилин таъбга кўра.



Бу кам турли масаллиқ кетадиган пишириқлардан бири. Уни тайёрлаш усули ҳам осон. Майдада, донадор бўлгани сабабли баракали.

Жимжимадор печенъени тайёлараш: маргарин ёки сарёғни пиҷоқ билан майдалаб тўғрайсиз ёки музхонада сақланган шундай ёғни йирик тишли қирғичдан ўтказасиз. Ёғ бўлаклари билан унни иккى кафтингиз орасида ишқалаб, яхшилаб аралаштирасиз. Шунда ун қумоқ-қумоқ бўлиб қолади. Тогорачада чақилган тухум устига ёғли унни ва

## ЭНГ УЗОК САФАР



Инсоният тарихидаги энг узок сафар Ойга сафар бўлган. 1969 йили 20 июлда астронавт Нил Армстронг илк бора Ойга кўнган.

## „ЮЛДУЗ“ ДЕБ...



Ўзидан нур ва ҳарорат қиқарувчи фазовий жисмга Юлдуз деб айтилади. Унинг таркиби қизиган газлардан иборат бўлади.



Айрим болалар фазодаги ҳамма жисмлар Куёш атрофида айланади, деб ўйлайдилар. Бу тўғри эмас. Планеталар (сайёralар) ва турли астероидлар Куёш атрофида айланадилар. Сайёralарнинг йўлдошлири эса ўша сайёра теварағида айланади. Масалан, Юпитер сайёрасининг 12 та йўлдоши бор, улар доимо Юпитер атрофида айланади.

Ой эса - Ернинг йўлдоши. У Ер атрофида айланади.

Инсон танаси 47 литр сувдан иборат. Баъзи узв (орган)ларимиз ўзининг "серсув"лиги билан одамни ҳайрон қолдиради. Масалан, мушакларимизнинг 75, жигаримизнинг 70, буйрагимизнинг 83 фоизи сув!

Бироқ булар оддий сув эмас, улар - суюқлик. Яна ҳам аниқроғи, тузли аралашина. Нега шундай? Баъзи олимларнинг фикрича, ер юзидағи борки тирик жонзот (шу жумладан одам)-нинг ҳам аждодлари қадим-қадим даврларда денгизда яшаган организмлардир. Уларнинг танасида денгиз суви, яъни шўр сув бўлган. Бу мавжудот қуруқликка мослашганда ҳам ўз вужудидаги шўр суюқликни сақлаб қолган. Бироқ ер ўз жонзотлари танасида шунча миқдордаги табиий шўр сувни асраш имкониятига эга эмас. Тупроқ ва сувлар таркибидаги тузлар эса ёмғир ва дарёлар орқали денгиз ва океанларга чиқиб кетади. Натижада ерда ўсаётган мавжудот тузсираб туради.

Худди мана шунинг учун ҳам ўсимликлар билан озиқланувчи жонзотларда тузга ташналип пайдо бўла-

ди. Организм ҳар куни маълум миқдорда ўз суюқлигини йўқотади. Бу суюқлик таркибида туз ҳам бирга чиқиб кетади. (Тернинг шўрлигини яхши биласиз).



Бироқ биз истеъмол қиласидиган ўсимлик олами бу туз ўрнини тўлдира олмайди. Жониворларни истеъмол қиласидиган ҳайвонлар эса ҳеч вақт тузга эҳтиёжманд бўлмайди. Улар танаси ўчун зарур тузни ўзининг ўлжаси вужудидаги туз билан қондиради. Бу хусусият инсонларга ҳам хос. Масалан, кўп гўшт истеъмол қилувчи эс-

кимослар жуда оз туз истеъмол қиладилар.

Денгизлардан узокда яшовчи ҳалқлар жуда тузхўр. Масалан, қадимги Мексикада туз шу қадар эъзозланилганки, у ерлик ҳалқнинг ўз "Туз худоси" ҳам бор эди. Европада бир вақтлар одамларнинг иш ҳақига туз билан маош тўлаш расм бўлган.

Инсон танасидаги туз асосан уни териси орқали тўпланади. Агар одам тузсиз овқат истеъмол қилса, унинг қони таркибидаги туз камайиб кетади. Шунинг учун тери ўзидағи заҳира туздан зарур миқдорини қонга узатади. Бу жараён кўпинча тери хасталикларида ижобий натижа беради. Мана шунинг учун ҳам шифокорлар айрим касалликларни даволашда беморга тузсиз овқат истеъмол қилишни тавсия этадилар.

Организмдаги туз асосан буйрак йўли билан ташқарига чиқиб кетади. Шунинг учун ҳам буйраги хаста беморларга тузни имкон қадар оз истеъмол қилиш тавсия этилади. Йўқса буйрак чарчаб қолади-да!

**М.ИКРОМОВА  
тайёрлаган.**

## ҚУШ СУТИ БЎЛАДИМИ?

Кўпгина ҳалқлар эртакларида "куш сути" деган ибора ишлатилади. Жаннат қушлари ўз полапонларини мана шу ажойиб таом билан овқатлантиради. Ундан татиб кўрган одам ҳар қандай қуролга ва касалликка чапдаст бўлади. Кўп вақтлар буни тириклик суви ёки учар гилам каби хом гап, деб хисоблашади.

Ёввойи капитлар хулқини ўрганган паррандашунос олимлар бу фикри чиппакка чиқаришди. Маълум бўлишича, капитар полапонларини уларнинг севимли овқати - турли дон-дунлар ва ўсимликлар билан овқатлантириб бўлмас экан.

Бундай ҳолда капитар нима қиласи? Полапон очиш даврида капитар жигиљон пардасида ёғ тўпланади. Полапонлар очиб чиққанда, капитар жигиљони пардаларининг таркибида полапонларга зарур бўлган витамин ва озиқ моддалар бўлган ёғ массаси ажралиб чиқар экан.

Ота-оналари кекириб, навбатмавбат бу массадан полапонларига



ни овқатлантирап экан. Ҳар бир күн фақат битта полапонини овқатлантиради, одатда капитарлар уясида иккитадан бола бўлади. Тахминан уч ҳафта капитарлар ўз болаларини творогга ўхшаб кетадиган таом билан овқатлантиради. "Куш сути" айнан мана шу бўлиб, у ҳақда афсоналар тўқилган.

**А.ХАЙДАРОВ тайёрлаган.**

## ТУКЛИ АРИНИ АСАЛАРИ ДЕБ ЎЛАМАНГ

Тукли ари билан асалари бир гурухга мансуб бўлиб, турдош ҳашаротлардир.

Улар ўртасида талай умумий чизгилар мавжуд, бироқ анча фарқ қиласидиган

жихатлар ҳам бор. Тукли арининг тузи ёрқин, кўзга ялт этиб ташланади, бир неча марта чақа олади, меҳнаткаш асалари эса чиқса, умрида фақат бир марта чақа олади, нега дессангиз у нишли тукини қайта тортиб ололмайди. Асаларилар мумкатақдан мум ажратиб чиқаради, мумкатағидаги гуллардан йигилган асал билан озиқланади. Тукли ари нектар, мевалар суви билан озиқлансанда, асал ажратиб чиқармайди. Қоғоз, ўтлардан ўзига уя ясади. Асалари

онаси атрофида бирлашмайди. Оилада яшайдиганлари орасида сезиларли градация (бир ҳолатдан иккинчи ҳолатга ўтишидаги изчиллик) мавжуд. Она асалари қишини ўз уясида ўтказади, ишчи асаларилар эса унга ҳар томонлама меҳрибонлик кўрсатади. Тукли ари онаси эса қишини ёлғиз ўтказади. Унинг ўзи уя куради, личинкалари ёрдам беришга қодир ҳашаротларга айланмагунга қадар кутиб ўтиради.


**Ф.НИЗОМОВ тайёрлаган.**

Гуллар ҳидини ёқтирмайдиган одам борми? Янги ёпилган нон исига тўйган борми? Бироқ ҳаётда ўта ёқимсиз, бадбўй ҳидлар ҳам борлиги ёмон. Ёқимли ҳид кўпми ёки ёқимсиз ҳидлар кўпми деган савонни ўйлаб кўрганимисиз?

Биз маълум нарсанинг ҳиди агар у ҳаво масасининг 1/30000000 қисмини ташкил этган вақтдагина аниқлай оламиш. Яъни, ўттиз миллион куб метр ҳаво таркибида 1 куб метр ҳажмдаги ҳидни туямиз. Бу қадар сезигирлик яхши ҳид билувчи одамларгагина насиб этган.

Биз ҳидни қандай қилиб биламиш? Асаб тугунларимизга атрофдаги кимёвий модда туташган чоғда биз ҳидни англаймиз. Бу модда газсимон ёки қаттиқ модда бўлиши ҳам мумкин. Мана, нима учун инсон ҳидни маълум масофа оралиғида ҳам илғай олади. Ҳид билувчи рецептор асаб ҳужайралари бурун бўшлиғи шиллиқ пардасини қоплаган тупларда жойлашган. Бу асаб тугунчалари

## ҲИД - НИМА У?



бурун бўшлиғининг юқори қисмида жойлашган. Улар шундай жойлашганки, нафас олган вақтимизда ҳаво беихтиёр улар орасидан ўтади. Бироқ биз бирор нарсани (масалан,

гулни) атайн ҳидламоқчи бўлсак, қаттиқ нафас оламиш.



Ҳид моддаси димогимиздаги ҳид билиш жойига кирган вақтда миямизда биринчи импульс пайдо бўлади ва у ҳидни аниқлайди.

Дунёда ҳиднинг 5 тури аниқланган: гул ҳиди, махсус-ўзига хос ҳид (лимон, олма ва б.), куйик ҳиди (кофе ва б.), ачимсиқ ҳид (палағда тухум ва б.) ҳамда эфир ҳиди (бензин, алкоголь ва б.).


Биз маза билан ҳидни аралаштириб юборамиз. Бунинг сабаби - биз истеъмол қиласидиган овқатдан тараладиган газсимон ранг-баранг заррачалар ҳид билиш рецепторларига таъсир қилишидир. Масалан, кофе ичаётган чоғимизда агар унинг ҳидини сезмасак, унинг мазасини ҳам билмаймиз. Совук овқатни истеъмол қиласидиган чоғда унинг мазасини сезмаслигимиз боиси ҳам ана шунда. Чунки совугани сайин овқатнинг ҳиди ўқолиб боради.

**М.УММАТАЛИЕВА тайёрлаган.**


Квадратни  
4 та бил  
хил  
шакла  
шундай  
бўлингки,  
уларнинг  
ҳар  
бирида  
битта  
харф  
жойлашсин.




Суратда қайси шакл ортиқча?




Суратда  
нечта  
квадрат  
бор?



Суратда нечта учбуручак бор?



Суратда қайси шакл ортиқча?



Суратда қайси шакл ортиқча?

## Биз Навоийни ўқиймиз ХИКМАТЛАР

Болалар, бобомиз Алишер Навоийнинг кўплаб китоблари нашр этилган. Яқинда Абдулла Кодирий номидаги халқ мероси нашриёти у кишининг яна бир китоби — «Хикматлар» тўпламини нашрдан чиқарди. Бу китобнинг янада мақтога лойик томони — лотин ёзуvida чоп этилаётганидир.

— Тилимизнинг таъсирли ва образли воситаларидан бири хикматли сўзлар дейишади, — деди нашриётнинг бош муҳаррири Илҳом Зойиров. — Буюк алломалардан бири хикматларни «сўзловчиларнинг оғзи»дан тингловчининг кулогига учиб

борувчи қанотли сўзлар» деб жуда чиройли ташбех тарзида ифодалаб берган.

Хикматли сўзлар улуғ сиймолар асарларининг асл мағзини ташкил килади. Бунга шеърият султони, мутафаккир шоир ҳазрат Алишер Навоийнинг «Ҳамса», «Ҳазойинул-маоний», «Маҳбубул-қулуб», «Муҳокаматул-луғатайн» ва бошқа асарлари ёрқин мисол бўла олади. Бу асарларда учрайдиган хикматларнинг моҳият мазмунини ташкил қилган китобча ўн беш минг нусхада чоп этилган. Ушбу китоб сизнинг энг яхши ҳамроҳингиз бўлади, деб ўйлаймиз.

## НИКМАТЛАР

Ko'p degan ko'p yetgilur,  
Ko'p yegan ko'p yiqilur.

Hunarni asraban nrtgumdir oxir,  
Olib tuproqqami ketkumdir oxir.

Aytar so'zni ayt,  
Aytmas so'zdin qayt.

Tilga ixtiborsiz —  
Elga e'tiborzis.

Dushman g'ururidin g'am ema,  
Maddod hushomadin chin dema.

Yaxshi libos tanga oroyish,  
Yaxshi qo'l dosh jonga osoyish.

O't ishi — qovurmoq,  
Yel ishi — sovurmoq.

Suvning mazasi muz bila,  
Oshning mazasi tish bila.

Izzat tilasang kam de,  
Sihat tilasang kam ye.

Fosiqdin hayo tilama,  
Zolimdin vafo tilama.

Chin co'z mo'tabar,  
Yaxshi so'z mustasar.

Bilmaganin so'rabb o'rgangan — olim,  
Orlanib so'ramagan — o'ziga zolim.

Yigitlikda yig' ilmning mahzanin,  
Qarilik chog'i xarj qilg'il ani.

Birovgakim birovdin yetdi ofat,  
Hamonkim qotig'roqdir mukofot.

Birovkim anga himmat o'ldi baland,  
Erur odam ahli aro arjimand.

Tabiatda har neki odat bo'lur,  
Chu eskirdi odat tabiat bo'lur.

Shohki ish adl ila bunyod etar,  
Adli buzuq mulkn obod etar.

Kimki falak sori otar toshini Tosh ila ozurga qilur boshini.

Parvonani ishq etasa mast,  
Urg'aymu o'zini o'tga payvast.



## ТОНГЮЛДУЗИ

### Санобар КОДИРОВА

(Ўқитувчи Олим домла синф эшигини очиб кирса — синфда болалар йўқ, ўқитувчи «ҳа» деб бир нарсани тушунгандай хурсанд бўлиб, пастга югуради. Ёғочдан ясалган уйга етиб келиб зинадан чиқиб пардани шундай очса, ҳамма ўқувчилар шу ерда «денди» ўйини билан банд, ҳатто ўқитувчилар ҳам.)

Тошкентдаги талабалар ётоқхонасининг ёнида Глиерномли мусиқий мактабидан сал нарирокда «Сего» хонаси очилган. Очилса нима бўлибди, болаларга яна бир ўйингоҳ-да, дерсиз? . Ҳа, ўйингоҳ, Аммо болалар «СЕГО»нинг «ўқувчи»ларига айланышган, десам-чи? Болалар, яна анирок айтадиган бўлсан, асосан ўша ерда «дарс» ўтишмокда. Бу эса ўша ерда ишловчиларга яхшигина «даромад» келтираяпти. Мактаб ўқитувчилари бу хонани неча мартадан бошқа жойга кўчириш кераклигини айтишди, лекин фойдаси бўлмади. Тезорота — оналардан «Сего»да ўйнаш учун пул олишга шошилган ўқувчилар фанлардан олган «тойчоқ»ларини — «2» баҳоларини уйларига миниб кетишаепти. Мен бундан таъсирланиб қўидаги интервюни ёздим. Зора нафи тегса...

## ЯНГИ «ДАРС»

ОЛИМ ДОМЛА — Вой-бў, жамоат жамку-а?

ЎҚИТУВЧИЛАР — Келаверинг, ҳамма шу ерда. Қизлар ҳам денди ўйнашапти.

ТОЛИБ — Домла, мана бу жойни сизга олиб кўйгандик.

ДЕНДИЧИ — Пулини тўлаганмисизлар?

ТОЛИБ — Тўлаганмиз, тўлаганмиз — 45 минутга.

ДЕНДИЧИ — Ҳа, яхши.

(Олим домла денди рўпарасига ўтириб, кўлидаги папкасини болаларга узатарди).

ОЛИМ ДОМЛА — Ие, ие,

Мастура Собировна ўзлариям шу ерда эканларда-а?

МАСТУРА — Бўлмасам-чи? Болалар қаерда бўлса — шу ерда бўламан-да.

САЛИМ ДОМЛА — Ишқилиб, мактабга районодан комиссия келиб қолмасин-да.

МАСТУРА — Нафасингизни иссиқроқ килинг, географиядан дарс беришингиз гапингиздан маълум бўлиб туради-я...

Қий-чув ўйин давом этади.

(Шу пайт қора шляпа кийган кўлида папка кўтарган комиссия — бир киши мактаб-

га келади, секретар қиз у кишини денди хонага олиб кириши билан, ўқитувчи Салим домла картани ёзиб ўзича дарс ўта кетади.

КОМИССИЯ — Бу қанақаси бўлди?

МАСТУРА — Биз ҳалиги... мактабимиз компютерлашган, компютерда дарс ўтаяпмиз.

(Текширувчининг шляпаси тепага бир кўтарилиб тушади. Ҳанг-манг бўлиб қараб қолади).

МУЗИКА.

## ТУМАН СИЙРАКЛАШГАНДА

Киши чилласининг ўрталари. Ҳавони куюқ туман қоплаган. Ўн-ўн икки одимдан нарисидаги нарсаларни илгаш қийин. Даражатларнинг барглари тўкилиб бўлганинига қарамай, бир-иккита олтинранг япроқларнинг пирпирак бўлиб заминга интилиши кўзга чалиниб қолади. Юриб турган одамга бу ҳаво илиқ тувлса-да, аслида анча совук, фақат болаларгагина баривар.

Ҳовлида учта бола — —уч ака-ука ёнғоқ ўйини билан овора.

Уларнинг энг кичиги бўлган Маҳмуд биринчи синфда ўқыйди, акалари ундан уч-тўрт ёш катта.

Бирдан дарвоза томондан тарақ-турук қилган товуш келиб, учовлонни сергаклантирди, улар баб-баравар кўча эшикка қарашди. Улар кўча эшикдан кўз узмай туришаркан, бир неча сониядан кейин кўзларигача теллакни бостириб кийиб олган бола бурнини енги билан артган ҳолда пайдо бўлди.

— Ёнғоқ ўйнапсизларми, мен ҳам ўйнай, ҳей Маъмур, — деди ҳозирги на пайдо бўлган меҳмон болаларнинг энг каттасига қараб. Укаси тенги болаларни сенсираб мурожаат қилганидан иззатталаб Маъмурнинг жаҳли чиқди, шекилли:

— Мухторданам кичкинасан-у, мени сенсийсан-а, бор, ёнғоғингни топ, кейин ўйнайсан, — деди кўрслик билан.

— Мухтор билан тенгмиз, — деди хўмрайиб меҳмон, сўнг бурнини тортиб чеккароқни жимгина турған Мухторга қараб қўйди. Мухтор билан кичкина Маҳмуд бу манзарадан унчалик кўнгиллари тўлмай, ўйинни қолган еридан давом эттиришди. Озгин, юзлари совукдан

гезарган Фахриддин ўйинни томоша қилганича нималарнидир ўйлаб анча туриб қолди. Мехмоннинг қўшни бола — Фахриддин эканлигини улар яхши билишади-ю, бироқ ҳозир — ўйин авжига чиққанда «куш отасини танимас» дегандек, болалар унга кўпам эътибор беришмади. Ниҳоят, Фахриддиннинг тоқати тоқ бўлди шекилли, бурнини қаттиқ бир тортиб кичкина Маҳмудга яқинлашди:

— Маҳмуджон, — деди у синиқ овозда, — ёнғоғингиздан бериб туринг, менам ўйнай.

— Ўзи тўртта холос-у, — деди кичкина Маҳмуд.

— Иккитасини беринг, — деди яна ялинчоқ товушда.

— Майли, манг.

Фахриддин ҳам жилмайланча ўйинга қўшилди. Бирмунча вакт ўтгач, Маъмур ҳаммаларининг ёнғоқларини ютиб олди ва уларни масхара қила бошлади. Болалар охири нима қилишларини билмай Маъмурга ялинниши:

— Ёнғоғингиздан ҳаммамизга бўлиб беринг, кейин бирга ўйнаймиз.

— Э-э, — деде Маъмур кўл силтаб уйга кириб кетди.

Фахриддин, Мухтор ва Маҳмуд кўча эшикка қараб юришиди. Маъмур йўклигидан фойдаланган Фахриддин кўлларини чўнтакларига тиққанча лабларини буриб Маҳмудга сўз котди:

— Маҳмуджон, акангиз ёмон-а, кизғончик...

Бунга жавобан Маҳмуд «нима деяпсан?» дегандек унга қаттиқ тикилган эди, Фахриддиннинг гапи чала қолди. Маҳмуд индамай аввал акасига, сўнг ҳовлига бир қараб қўйди. Улар битта-битта кўчага чиқиб кетишиди.

Уйга кирган Маъмур пича ўтириб зерикиди, папкасини титкиласа ҳамки вакт ўтмади шекилли, ёнғоқла

рини шақирлатганча ҳовлига чиқди, яна ўйга кириб кетди-ю, баригир ўтиrolмади. Айонга чиқиб, кезиниб турганида қий-чув билан болалар ҳовлида пайдо бўлишди, улар энди қувлашмачоқ ўйнашарди.

— Ҳей, болалар, келинглар, ёнғоқ ўйнаймиз, — деди Маъмур катталардек дўрилдок товушда кўлларини силкиб. Болалар такқа тўхташди.

— Э, ёнғоғингиздан бермайсиз-у, — деди кичкина Маҳмуд истар-истамас.

— Бераман, ҳаммаларингта бераман, келинглар, — деди Маъмур уларни чўчитиб қўйишдан кўрқандек шоша-пиша. Болалар ишониб-ишонмай унинг атрофини ўрашди, ахир ёнғоқ ўйини қизикроқ-да. Маъмур уларга уч-тўрттадан ёнғоқ улашиб бергач, ерга эгилиб доира чизди-да:

— Тикинглар, энди ўйнаймиз, — деди.

Ҳаммалари хурсандликларини нима билан ифода қилишларини билмай жилмайшиб, сакраб-сакраб доирага биттадан ёнғоқ тикиб «пакка»га қараб юришиди. Паккага етиб келиб доирадаги ёнғоқларни мўлжалга олиб туршишкан кичкина Маҳмуд секингина Фахриддиннинг енгидан тортиди ва:

— Акам яхши-а, Фахриддин, қизғончиқмаса! — деди.

— Ҳм, — қўшни бола тасдиқ ишорасини қилишиб ширин бир жилмайди, ишора қилди-да, доирадаги ёнғоқларни мўлжалга ола бошлади....

Бу вактда туман сийраклашиб, ҳаво анча юмшаб қолган эди...

Турғунали ЁРМАТОВ.

Акам, ҳазрат Навоийнинг: «Илгимдан келгунча золим тифин ушатиб, мазлум жарохатиға интиқом малҳамин қўйдим» деган ҳикматини хуш кўрардилар ва кўпинча тақрорлаб юрардилар...

Мен ҳам, баъзан, уйқусиз, узун тунлар дардимга ҳазрат Навоийдан малҳам топаман: Кимки бир кўнгли бузуки хотирин шод айлагай,

Бехрӯза Қосимова

# БЕҒУБОР ДАМЛАР

№ дан № га

Ончадирким, Каъбани бузилса обод айлагай.

Шу чоғ қулоқларимга акамнинг ўқтам овозлари эшитилганда бўлади. Титраб кетаман. Тирикликнинг номини армон дегим келади...

Шифохонага тушишларидан олдин акам бизнигiga тез-тез келадиган бўлиб қолдилар. Ҳар гал остона ҳатламаёқ ҳазиллашиб, бир дунё кулиги хушчақчакликни ўзлари билан бирга олиб кирадилар.

— Уйинг, худди, жаннатга ўхшайди-да, Бехрӯза. Ёқтирасанми, ёқтирамайсанми, кела-верман.

— Ие, ака, қизиқмисиз, сизни ёмон кўриб бўларканми. Келсангиз ўзингизни кидалиб сиз...

Ҳа, шунақа ҳазил-хузуллар билан мазза қилиб гаплашиб ўтирадик. Акам мен ва ўғлим Камолиддинжондан нукул

Ҳаж таассуротларини эшитини яхши кўрардилар ва берилиб тинглардилар. У киши, айниқса, ўғлим Камолиддиннинг жуда яхши кўрардилар. Кейинги вақтларда у билан бирга исломий амалларни күнт билан ўрганаётган эдилар. Ўғлим ҳам тоғасини яхши кўрар, ўзига яқин оларди. Касалхонада ётганларидан ҳам муттасил хабар олиб турди.

ва-Акбарова иммий ишини аъло даражада ҳимоя қилди. Акамнинг менга илтико килиб айтган истакларига биноан жиянимни кутларканман, пешонасидан ўлиб қўйдим. Ўша кунда Муяссарни кўлчилик муборакбод айлади. Уларнинг орасида акамнинг ўзлари эмас, мададкор руҳлари бор эди. Чунки, Муяссар ҳакидаги сұхбатимиздан кейин икки кун ўтар-ўтмас



шади. Балки, бир кун вакти келиб ёзишар ҳам...)

Бу китобдаги воқеалар тўқиб чиқарилган эмас. Мен ниманини хикоя қилган бўлсам, каламга олган бўлсам, барчаси ўзим бевосита ва билвосита иштирок қилган ёки кўз ўнгимда бўлиб ўтган воқеалардир. Бу китоб орқали акамнинг ҳаётларини кўз-кўз килиш ниятим ҳам йўк.

Мен бу ёзган воқеаларими, балки, кимларни дир тўғри йўлга бошлар, кимларгadir сабоқ бўлар, деган мақсадда қаламга олдим. Халқимизда бир гап бор. Одамзоднинг яқинлари туғишган жигаргўшалири ёруғ оламдан кўз юмарканлар, чин дунёга кетаётib, ўзлари билан бирга тирикларнинг тирик бағрини яримлаб кетадилар. Мен, Тангридан, ҳамманигизнинг бағрингизни бутун қилишини ёлвориб сўрайман. Ҳеч кимга бағри доғликни, бағри яримликни кўрсатмасин. Валлоҳи аълам биссавоб!..

Азиз замондош!

Мана, сиз иқтидорли журналист, фидойи инсон акам Шухрат Қосимов ҳакидаги хотираларни ўқиб чиқдингиз. (Мен, аслида, бу хотираларни у кишининг юзлаб шогирдларидан бирининг тилидан ўқийман, деб кутган эдим. Ҳамма нарсага одил ҳакам бу — вакт, дейи-

тупроқ».  
20.10—«Оқшом эртаклари».

## ЎзТВ-2

18.05—«Янги авлод студияси»  
намойиш этади: Кўрсатувда Жиззах шахрининг ўкувчилари иштирок этишади.

## ЎзТВ-3

9.00—«Ёрилтош мульттўплами». 9.40—Болажонлар экрани. 12.00—Мусиқий сайдёра. 18.10—«Ёрилтош» мульттўплам.

## ЎзТВ-4

16.10—Кундузги сеанс «Кутилмаган меҳмон». Бадий фильм. 18.45—Мультсайдёра. 19.45—Мўъжизалар майдони. 20.45—«Хайрли тун, қичқинтойлар».

## ШАНБА, 27 МАРТ

### ЎзТВ-1

9.10—«Мозийдан бир мўъжиза». «Умид» намойиш этади: 10.05—«Шу Ватанга бордур менинг керагим». 10.25—Кўзгу. 10.55—«Мен билган, билмаган дунё». 18.0—«Ҳа, ҳа, ҳа». Ҳазил, хажвия, ҳангома. 19.55—«Оқшом эртаклари».

## ЎзТВ-2

9.00—«Янги авлод» студияси намойиш этади. 9.50—«Одобнома». 10.15—«Семурғ». Ўсмирлар учун кўнгилочар дастур. 10.30—«Кусто командасининг сувости саргузаштлари».

## ЎзТВ-3

11.25—«Бугуннинг боласи». 12.05—«Темурнома». 15.20—«Ширин орзулар». 18.05—«Янги авлод» студияси намойиш этади: «Бўш ўтирма», «Мульттомоша».

## ЎзТВ-4

9.05—«Эртакларнинг сехрли олами». 18.35—Тенгдошлар.

18.35—«Бинафша».

## ЯКШАНБА, 28 МАРТ

### ЎзТВ-1

8.30—«Камалак». Болалар учун кинодастур.

9.15—«Фаройибод».

«УМИД» НАМОЙИШ ЭТАДИ:

10.00—«Ватанимга хизмат қиламан».

11.20—«Билимринг».

12.30—«Шоҳруҳ» клуби.

14.15—«Кувноқ стартлар» телесобака.

18.00—«Олтин тож» телевизион.

20.05—«Оламга сайдёра».

### ЎзТВ-2

9.00—«Янги авлод» студияси намойиш этади:

10.10—«Цирк, цирк, цирк».

10.30—«Кусто командасининг сувости саргузаштлари».

13.30—«Инглиз тили сиз учун!».

14.00—«Темурнома».

15.20—«Тангалик болалар».

17.40—«Болалар дунёси».

18.05—«Янги авлод» студияси намойиш этади: «Катта танафус» телевизион.

19.30—«Синфодш».

### ЎзТВ-3

9.00—«Ёрилтош» мульттўплами.

10.30—«Болажонлар экрани».

14.25—«Ёввойи табиат».

18.10—«Мультжумбок».

19.15—«Табриклиймиз, кутлаймиз!».

### ЎзТВ-4

9.05—«Эртакларнинг сехрли олами».

18.35—Тенгдошлар.

## ДУШАНБА, 29 МАРТ

### ЎзТВ-1

20.10—«Оқшом эртаклари».

### ЎзТВ-2

18.05—«Янги авлод» студияси намойиш этади: «Ким эпчилу, ким чақон». «Мульттомоша».

### ЎзТВ-3

18.10—«Ёрилтош» мульттўплами.

### ЎзТВ-4

18.45—Мультсайдёра.



18.20—Болалар учун «Халфана».

## ПАЙШАНБА, 25 МАРТ

### ЎзТВ-1

9.10—«Кусто командасининг сувости саргузаштлари» телесериал 33-қисм.

19.30—«Табобат оламида».

18.10—«Ёрилтош» мульттўплами.

## ЖУМА, 26 МАРТ

### ЎзТВ-1

10.00—Болалар учун «Наврӯзи олам келди».

## ЖАҲОНДАРЛАР

10.05—Немис тили.

12.05—«Кундуз амакининг қиссалари» мультсериял.

18.10—Болалар учун «Бир сиким

18.20—«Оқшом эртаклари».

18.10—«Ёрилтош...» Мульттўплам.

### ЎзТВ-2

18.05—«Кусто командасининг сувости саргузаштлари» телесериал 33-қисм.

19.30—«Табобат оламида».

18.10—«Ёрилтош» мульттўплами.

## ЖУМА, 26 МАРТ

### ЎзТВ-1

10.00—Болалар учун «Наврӯзи олам келди».

## ЖАҲОНДАРЛАР

10.05—Немис тили.

12.05—«Кундуз амакининг қиссалари» мультсериял.

18.10—Болалар учун «Бир сиким

18.20—«Оқшом эртаклари».

18.10—«Ёрилтош...» Мульттўплам.

# Абұ Фаізсөл Беңгүншіш

Мұхаммад ибн Аҳмад (973—1048) — марказий осиёлик буюк қомусий олим, дунә фанининг улуг сиймоларидан бири. Беруний 150 дан зиёд асар ёзган бўлиб, кўпчилик китоблари ўз замонасида ўзига хос қомус ҳисобланган. Абу Райҳон Беруний ижтимоий назариялар соҳасида ҳам самарали ижод қилган. У ижтимоий жуғрофий кўринишнинг таъмал тошини қўйган олимлардан бири эди,

дэйиш мумкин. Маълум маънода жуғрофий мактаб Форбийдан бошланган бўлиб, араб тадқиқидчиси Ибн Холдун ижодида яққол кўзга ташланган эди. Берунийнинг кўпгина асарлари шу замонда яшаб ўтган халқларниң хўжалик ва сиёсий ҳаёти соҳасида ҳам бутун энциклопедия бўлиб хизмат қиласиди. Мутафаккир бу ҳодисаларни таҳлил қила туриб, жуғрофий муҳит омилига катта эътибор берган. Бунда

у ўз тадқиқотларига таянган. Масалан, унинг тарихий этнографик характердаги, исломгача бўлган бутун бир даврни очиб берувчи «Ёдгорликлар» асарида юнонлар, римлеклар, эронийлар, сўғдлар, хоразмликлар, насронийлар, яхудийлар, исломгача бўлган арабларнинг ўйл ҳисоблари тури байрам ва машҳур

кунлари, умуман, маънавий ҳаёти муфасал тасвиirlаб берилган. Бунда олим қиёсий таҳлил услубидан кенг фойдаланган. Масалан, у ҳинд фани ва фалсафаси, диний эътиқодлари ва урфодатлари ҳақидаги маълумотларни юон фалсафаси ва мифологияси билан солиширган.

Ижтимоий ҳодиса ва жараёнларни тушунтиришда Беруний кишиларнинг эҳтиёжлари омилиниң аҳамиятини алоҳида кўрсатиб

беради. Хусусан, у одамларнинг бирбирини ҳимоя қилиш эҳтиёжи, муомала эҳтиёжи моддий ва маънавий эҳтиёжларнинг (улардан фанлар келиб чиқсан) ажратиб кўрсатган. Мутафаккир, шунингдек, жамиятни бошқариш масалалари билан ҳам қизиқкан.

Кўйида Абу Райҳон Берунийнинг Наврӯз ҳақидаги битикларини ўқийсиз.

## Биз сув ичган булоқлар

аталган. Бу ном бунёд этувчи, санъаткор, яратувчи, дунёни ва унда яшовчиларни тарбияловчи азиз ва улуф тангрининг исмидир.

**Афсунгарлар: «Наврӯз куни тонг отганда бирор гап гапиришдан олдин уч қошиқ асал ялаб, уч бўлак хушбўй мум тутатса, бу кўп касал-ликларга шифо бўлади»** дейишган.

**Олимларидан баъзилари: «У кунни Наврӯз деб аташнинг сабаби шуки, Жамшид подшоҳ бўлгач, мажусийлар динини янгилаанди ва бу иш қилинган кун — Наврӯз деб аталди».**

Турли қавмларда Наврӯз куни бир-бирларига шакар ҳадя қилиш расм бўлган. Бағдодлик Озарбоднинг ҳикоя қилишича, бунинг сабаби Наврӯз

куни Жамшид мамлакатида шакарқамиш пайдо бўлган, бу шу вақтгача номаълум эди. Жамшид серсув бир қамишдан шира томчилётганини кўрган. Уни тотиб кўрган,

шунчалик жилиб кетдики, ҳатто бизнинг замонимизда Қўёшнинг ҳамал буржига кирган вақтига, яъни баҳор бошига тўғри келадиган бўлди. Кейин Наврӯзда отлиқ аскарларга баҳор ва ёз кийимларини кийдириш ҳам

Хурсон подшоҳларига расм бўлиб қолди. Ҳамма қуриган чўплар кўкарғанда одамлар: «Рўзи нав! — Янги кундеганлар.

Ҳар ким баракотга эришиш учун тос ёки бошқа идишларга арпа сепган. Кейин

подшоҳ саройларининг сахни атрофига етти хил дондан етти тахта экин экиш расм бўлиб қолган. Буларнинг униб чиқишига қараб, шу йил фалланинг тўқ ёки пуч бўлиши тахмин қилинган.

Баъзи кишиларнинг гумонича, Жамшид анхорлар қазишини буюрган ва шу фарварди моҳнинг

олтинчи куни бу анхорларга сув қўйилган. Одамлар бундай серобгарчилик нишонасидан қувониб, шу анхорлардаги сувда чўмилгандар. Кейинги авлод ҳам бу ишни давом эттирган. Бошқалар «Балки чўмилишга сабаб у кун Ҳарузога тааллуклидир. Ҳарузо сув фариштаси, унинг насаби сув билан бир. Шунинг учун одамлар шу куни тонг ёришган пайтда ўринларидан туриб, ариқ ва ҳовузларга борадилар. Кўпинча оқиб турган сувларга рўпара туриб, баракотли бўлиш ва оғатларни даф этиш ниятида бошларидан сув қуядилар», — деганлар.

Шу куни чиндан ҳам одамлар бир-бирларига сув сепишади, бунинг сабаби чўмилиш истагидир. Баъзиларнинг айтишича, балки узоқ вақт ёмғир ёғмаганлиги бунга сабаб бўлган. Одамлар ёмғирни табаррук билиб, бир-бирларига сув сепгандар. Кейин бу уларга одат бўлиб қолган.



унда лаззатли ширинлик борлигини билгач, сувини чиқариб, ширасидан шакар ишлашни буюрган. Шакар бешинчи куни кўтариб олинган ва кутлаш учун уни бир-бирларига ҳадя қилинганлар. Мехржон байрамида ҳам шу маросим ўтказилган. Наврӯз ўз вақтидан

# ОДОБИНГ – ХУШ ЧИРОЙИНГ ВА ЗИЙНАТИНГ

Азиз болажонлар! Кўлимдаги китобча ўғил ва қиз болалар одоби ҳақидаги рисола бўлиб, «Насиҳатнома» деб номланиди. Уни Бахтиёр Абдулхай ўғли ва Темурбек Холмирза ўғли мулла Аҳмадхўжа эшон ибн Абдумўминхўжа эшоннинг «Ахлок рисоласи» китоби асосида нашрага тайёрладилар. «Насиҳатнома» 16 та дарсдан иборат бўлиб, одобли боланинг бажариши лозим бўлган амаллари ҳақида ҳикоя қиласди. Ҳақиқатан, оламда мавжуд неъматларнинг ҳаммасидан улуғроқ неъмат – мактабга кириб, тарбия топиб, одоб ўргангандан болалардур. Дунёда ҳар бир нарсадан азизроқ ва яхшироқ бола одобли боладур.

Биз ҳам газетамиз сахифаларида ушбу китобчадан айрим ҳикоятларни беруб боришни лозим деб топдик.

## I-ДАРС:

Эй болалар, одобли бўлмокнинг йўленини кўрсатурмиз. Одобли боланинг аломати шулки, уйкудан барвақт катта кишилар билан турар. Улардан илгари турмас. Ва улардан кейин ҳам қолмас. Ҳамма кишилар турган вақтда ўринда хира бўлиб ётган болани беномус, дангаса дерлар...

Одобли бола ётган жойдан турган вақтида либосларини кийиб таҳорат қилур. Одобли бола ўрнидан туриб чой вақти бўлгунча, ўтган кундаги сабоқларини тақрор қилур. Ва ушбу кунги сабогини бир, икки маротаба кўруб

кўйғай. Чой вақти бўлганидан сўнг катталар қаторида одоб билан ўлтуриб чой ичар. Ва ё ўзицек ёш болалар билан биргаликда бир четда чойини ичиб мактабга борар.

## ГУЛЮЗ тайёрлади.



## Топиб олинган минг сўм

Мактабга кетатуриб,  
Маъруф йиқилиб тушди,  
Шимини қоқаётуб,  
минг сўмга кўзи тушди.  
Пулни олиб кўлига,  
кимники деб бақирди,  
Хеч ким жавоб бермагач,  
дўстларини чақирди.  
  
Эгаси топилмагач,  
дўстлар билан кенгашди,  
Элликта жўжа олиб  
катақларга жойлашди.  
Кичик ширкат хўжалик,  
мана, бир йилдан ошди,  
Жўжалар бўлиб товук,  
тухумлар тўлиб тошди.  
  
Ҳалол бўлсин ишим деб,  
мингта тухум йиғишиди,  
«Камалак» деб атальиш  
боғчага ҳам беришди.  
Натижаси ёмонмас,  
дон-дунни ҳам оқлади,  
Ортиқча даромадга  
эчки олиб боғлади.  
  
Қаранг, фермер хўжалик,  
жуда қизиқ бошланди,  
Топиб олинган минг сўм,  
мехнат билан оқланди.

## А. ЎТБОСАРОВ.

### ТИКУВЧИ ЧИТТАК

Ховлидаги арчага  
кимдир қўлқоп илиби.  
Ажиб моҳир тўқувчи,  
кўй юнгидек тўқибди.  
Кичик Жамшид ҳар куни  
туриб тонгда бокади,  
Ким илиби уни, деб,  
бilmай боши қотади.  
  
Сўраб билса, экан у тоф  
читтакнинг уяси,  
Она читтак тўқиган,  
химояси, хийласи.  
Кўрди: митти қушчалар  
уюга кириб чиқар,  
Шоҳдан — шоҳга сакрашиб,  
мунгли қўшиқ қўйлашар.  
  
Жамшид арча тагига,  
дарҳол сепди дон-ушоқ,  
Шу кундан эътиборан улар  
бўлди дўст-иноқ.  
Қишида ҳам кетишмайди,  
совуққа келишар бас,  
Чунки иссиқ уяга,  
барча қилади ҳавас.



## МАҚТАНЧОҚ ОМОНГА

Дарсдан қочиб кетаркан,  
бир соат ўқиб Омон,  
Баҳосин сўрасангиз —  
ҳамма фанлардан ёмон.  
Тадбиркорлик деб ишим,  
мақтанаракан у чунон  
Бу ердан олиб бориб,  
Чимкентда сотаркан нон.  
  
Ҳали ёшсан, ўқиб қол,  
ҳозир мустакил замон,  
«Тадбиркор» сўз маъносин,  
англаб ол — бўлма нодон.  
Қалбга жойлаб ҳалоллик,  
аъло ўқимоқ даркор,  
Ўз элинг ризқин сочсанг,  
бир кун бўласан абгор.

Бош муҳаррир: Умида АБДУАЗИМОВА

### ТАҲРИР ХАЙЪАТИ:

Йўлдош САИДЖОНОВ, Омон МАТЖОН, Гулнора Йўлдошева, Хотам АБДУРАИМОВ, Ҳамидулла Йўлдошев, Мукаррама МУРОДОВА, Мирзапулат ТОШПУЛАТОВ, Музаффар ПИРМАТОВ, Баҳодир ТОҒАЕВ, Равшан ҚАМБАРОВ.

## KІСНІК TOSH

Bir kuni men mактабга ketayotgan edim. Qarasam, trolleybus kelayapti. Bekatga qarab yugurdim. Yolda bir kichkinagina yaltiroq narsani ko'rdim. Yugurishdan to'xtadim va o'sha g'aroyib narsani oldim. Xuddi cho'g' ushlab olgандай qo'lim kuydi. Cho'ntagimdan ro'molchamni chiqardim-da o'sha narsani o'rav, yana cho'ntagimga tiqdim. Ungacha uch yoki to'rtta trolleybus o'tib ketdi. «Maktab-chi?» deb orgamga qaradim. «Oldin bu narsa nimaligini bilay, uni ko'ray, beba bo'yum bo'lsa, maktabga olib boray», — deb o'yladim. Keyin bir chetga o'tib, ro'molchamni ochib ko'dim. Yaxshiroq qarasam, bu bor-yo'gi bir oftob nurida qizib yotgan oddiyiga tosh ekan. «Ey! dedim-da, toshni otib yubordim. Keyin bekatga bordim. Turibman-turibman, trolleybus kelmayapti, «tok yoq» deyishdi odamlar. Piyoda ketishga majbur bo'dim.

Maktabda uchinchi soatning matematika darsi bolayotgan ekan. Oqituvchim «kundaligingni ol», dedilar. Men kechirim so'radim. «Boshqa qilmagin» dedilar. Men «хор» dedim.

Eh, bir kichik tosh deb maktabga kech qolgan kunim!

Najot A'ZAMOV.

3-«A» sinif oquvchisi

Качонлардир қадим замонда олтин типратикон бўлган экан. У оддий бир ўрмонда эмас, балки буюк Турон шоҳининг ҳашаматли саройида яшаган экан. Турон шоҳи эса подшоҳ бўлибгина қолмасдан, сеҳграр ҳам экан. Унинг яккаю ягона гўзал қизи бўлиб, исми Манучехра экан.

Сеҳграр шоҳ севимили қизи деб оддий типратиконни олтин типратиконга айлантирган экан. Ҳақиқатдан ҳам тез вақт ичиде олтин типратикон ёш маликанинг энг хуш кўрадиган овунчогига айланиди.

Ҳар куни сарой хизматкорлари унга олтин косачада сут келтириб



## ОЛТИН ТИПРАТИКАН ТЎҒРИСИДА ЭРТАҚ

сўнгра шоҳнинг анвойи гуллар билан безатилган боғига кўйиб юборишни одат қилибдилар.

Ва ҳар вақт типратикон боғ ичиде ёлғиз қолгач, ўзининг жонажон ўрмонини, сарғайган барглар орасида олманими, қўзиқориними излаб юрадиган гўзал пайтини эслаб чукур-чукур хўрсниб кўяркан.

Шундай кунларнинг биринча типратикон одатдагидек ўзининг фамгин хаёлларига чўмган пайтида бокқа малика билан унинг канизаклари югуриб киришибди ва боғи жаҳангдор овозлар, кувноқ кулгуларга тўлиб кетибди. Малика билан унинг дугонлари сұхбатга қаттиқ берилиб кетганларидан фуж бўлиб ўсиб ётган ўтлар орасидан катта бир ўргимчакнинг ўзлари томон ўрмалаб кетаётанини ҳам сезмай қолибдилар.

Лекин табиатан ҳали ҳам аслини йўқотмаган олтин типратикон бир зумда ўргимчакни йўқ қилиби-кўйибди.

Бу хабар ўқ-ёй тезлиги билан бутун саройга тарқалибди. Юғуриб келган шоҳ қизини омон қолганини кўриб севинчи ичига сифмай қолибди. У қизини бағрига босиб, Оллоҳга шукроналар айтибди.

— Эй менинг кичик дўстим! Сен нафақат қизимнинг

ҳаётини сақлаб қолдинг. Балки неча йиллардан бўён қизимнинг ҳаётига қасд қилиб юрган қора девни ҳам ўлдирдинг, ва бу билан мени энг ёвуз душманимдан халос қилдинг. Бу учун мен сендан умр бўйи миннатдорман. Қанақа тилагинг бўлса айт, мен зудлик билан бажо келтираман.

Олтин типратикон ўйлаб ҳам ўтирасдан, жавоб бериди:

— Эй, менинг марҳаматли шоҳим! Менинг фақатгина бир тилагим бор. У ҳам бўлса мени оддий типратиконга айлантириб, туғилиб ўсган она еримга қўйиб юборсангиз.

Шоҳ буни эшишиб, жуда ҳам хафа бўлибди. Лекин энди уни бажармасдан иложи йўқ эди. Чунки шоҳнинг сўзи — сўз, ваъдаса эса битта бўлади. Сеҳграр шоҳ типратиконни кўлга олиб, унга пуллабир нималарни пиширлади.

Шундан сўнг олтин типратикон бир зумда оддий бўлибди-қолибди!

Хизматкорлар уни водий олдидаги ўрмонзорга қўйиб юборишлари билан, гўёки дунёда ҳеч қачон олтин типратикон бўлмагандек, оддий типратикон ўтлар орасига кириб кўздан фойиб бўлибди.

Гулнора ЭРГАШЕВА.

## ТОНГ ЮЛДУЗИ

### Муассислар:

ЎЗБЕКИСТОН РЕСПУБЛИКАСИ  
ДАВЛАТ МАТБУОТ КЎМИТАСИ  
ЎЗБЕКИСТОН РЕСПУБЛИКАСИ  
ҲАЛҚ ТАЪЛИМИ ВАЗИРЛИГИ,  
«СОҒЛОМ АВЛОД УЧУН»  
ҲАЛҚАРО ҲАИРИЯ ЖАМГАРМАСИ

Бош муҳаррир: Умида АБДУАЗИМОВА

### ТАҲРИР ХАЙЪАТИ:

Йўлдош САИДЖОНОВ, Омон МАТЖОН, Гулнора Йўлдошева, Хотам АБДУРАИМОВ, Ҳамидулла Йўлдошев, Мукаррама МУРОДОВА, Мирзапулат ТОШПУЛАТОВ, Музаффар ПИРМАТОВ, Баҳодир ТОҒАЕВ, Равшан ҚАМБАРОВ.

Рўйхатдан ўтиш тартиби

- № 000137
- Манзилимиз: 700129,
- Тошкент шаҳри,
- Навоий кўчаси, 30 ўй.
- Нашр кўрсатчи: № 64563
- Телефон:
- 136-54-21
- 144-22-64

